

廿一史約編
絲部
三國
北晉

413
609
3



門 4 13
號 809
卷 3



廿一史約編

大清光緒二十五年二月
花房仙友解氏寄

吳興—鄭元慶芷畦 述

男惟鞠侍何 編次
徐秋萼蘭仲

閩中陳瞿石先生 鑒定

沈 澧資萬 參訂
沈 欽開音

三國志全目 志以魏為正統
茲仍其目次

魏志三十 借史

武帝 操

文帝 丕

全目

易

明帝

齊王芳 高貴鄉公髦 陳留王奐

后妃 武卞后 文甄后 郭后 郭后

董卓 李灌 袁紹 子譚 袁術 劉表

呂布 張邈 陳臧洪 陳容

公孫瓚 陶謙 張揚 公孫度 子康 康子晃 張燕 張繡

張魯

夏侯惇 韓浩 夏侯淵 曹仁 弟曹洪 曹休 子曹真 子爽

弟義訓 何晏 鄧展 丁謚 畢軌 李勝 桓範 夏侯尚 子玄

荀彧 子暉 孫 荀攸 賈詡

袁渙 張範 弟承 涼茂 國淵 田疇 王脩 邴原 管甯 胡昭 王烈

張琦 焦先

崔琰 度圭 孔融 許攸 毛玠 徐奕 何夔 邢顛 鮑勛 司馬芝

鍾繇 子毓 華歆 王朗 子肅 周生烈 董遇 魏禧

程昱 孫 曉 郭嘉 董昭 劉曄 蔣濟 劉放 孫資

劉馥 司馬卽 梁習 張既 溫恢 賈逵 李孚 楊沛

任峻 蘇則 杜畿 子恕 鄭渾 倉慈

張遼 樂進于禁 張郃 徐晃

李典李通臧霸孫觀文聘呂虔許褚典韋龐德龐涓

母娥閻溫張恭恭

任城威王彰陳思王植蕭懷王熊俱操

武文世王公操子昂樂冲據宇林

勤乘整京均棘嶽禮

王粲徐幹陳琳阮瑀應瑒劉楨邯鄲淳繁欽路粹

儀丁廙楊修荀緯應璩應貞阮籍嵇康桓

傅嘏

桓階陳羣陳泰陳矯徐宣衛臻盧毓

和洽常林楊俊杜襲趙儼裴潛子秀

韓暨崔林高柔孫禮王觀

辛毗楊阜高堂隆棧

滿寵田豫牽招郭淮

徐邈胡質子威王昶王基

王凌令狐母邱儉諸葛誕唐鄧艾州鍾會王

方伎華佗吳普樊阿杜夔

烏丸鮮卑東夷夫餘高句麗東沃沮挹婁

蜀志十五

正史

二牧 劉焉子瑋

先主

後主

二主妃子

先主甘后 穆后 後主敬哀后 張后 先主子永理 後主子睿

諸葛亮

子喬瞻 董厥 樊建

關羽張飛馬超黃忠趙雲

龐統法正

許靖糜竺孫乾簡雍伊籍秦宓

董和劉巴馬良

弟 陳震 董允 陳祗 黃皓 呂乂

劉封彭萊廖立李嚴劉琰魏延楊儀

霍峻王連向朗

兄子 寵 張裔 楊洪 費詩

杜微周羣

張裕 杜瓊 許慈 孟光 來敏 尹默 李譔 譙周

卻正

黃權李恢呂凱馬忠王平張嶷

蔣琬

子斌 斌弟 顯 劉敏 費禕 姜維

鄧芝張翼宗預

廖化 楊戲 王嗣 常 播 衛繼

吳志二十

借史

孫堅孫策

吳主權

孫亮孫休孫皓

劉繇子徽弟壹太史慈士燮子匡

妃嬪孫破虜吳夫人夫人弟景 孫權謝夫人 徐夫人 祖父真父現 步夫人 王夫人 王夫人 潘夫人 孫亮全夫人 孫皓滕夫人

宗室孫靜子瑜皎與 孫賁子鄰 孫 孫翊 孫匡 孫韶 孫桓

張昭子承休顧雍子邵諸葛瑾少子步騭少子

張紘子立嚴陵子程秉徵關澤唐薛綜子翊

周瑜魯肅呂蒙

程普黃蓋韓當蔣欽周泰陳武子董襲甘甯凌統

徐盛潘璋丁奉

朱治朱然子績呂範子據朱桓子異

虞翻子記忠陸績從弟張溫駱統陸瑁吾粲朱據

陸遜子抗

吳主五子登 慮 和 霸 奮

賀齊全琮呂岱周魴鍾離牧

潘濬陸凱弟

是儀胡綜徐詳

吳範劉惔趙達

諸葛恪滕胤孫峻兩贊孫綝濮陽興

王蕃樓玄賀邵韋曜華敷

晉書全目正史

帝紀十

高祖宣帝誌

武帝

懷帝愍帝

世宗景帝師太祖文帝胎

惠帝

元帝明帝

成帝康帝

簡文帝孝武帝

志二十

天文三

律歷三

樂二

輿服

五行三

列傳七十

穆帝哀帝廢帝

安帝恭帝

地理二

禮三

職官

食貨

刑法

晉

后妃 宣穆張后 景懷夏侯后 景獻羊后 文

明王后 武元楊后 武悼楊后 左貴嬪 胡

貴嬪 諸葛夫人 惠帝賈后 惠帝羊后 元帝夏侯太妃

謝夫人 懷帝王太后 元帝夏侯太妃 成恭杜

后妃 元敬虞后 簡章君 明穆庾后 成恭杜

后章周妃 康獻褚后 穆章何后 哀靖

文順王后 廢帝孝庾后 簡文宣鄭太后 簡

安德陳太后 安 孝武文李太后 孝武定皇后

禧王后 恭思褚后 安 石苞子 歐陽建 孫鑠

王祥弟 鄭冲 何曾 子劭 石苞子 歐陽建 孫鑠

羊祜 杜預 子錫

陳騫 子輿 裴秀 子頌 從弟 劉卞

衛瓘 子恒 孫 張華 子禕 劉卞

宗室 安平獻王孚 子邕 邕弟 義陽成王望 望子 河

間平王洪 洪子 威 洪弟 隨 穆王 整 整弟 亮 陵

王琳 望弟 太原成王輔 輔弟 翼 翼弟 下 邳 獻

王晃 晃弟 太原烈王環 環弟 高 陽元王珪 珪

弟 常山孝王衡 衡弟 曄 曄弟 順 王景 彭城穆王

權 孫 紘 紘子 俊 高 密文獻王泰 子 孝 王 略

略 兄 新 蔡武哀 騰 騰子 莊 王 確 略弟 南 陽

王 模 模子 保 范 陽康王綏 子 墟 濟 陽 惠

王 遂 曾 孫 勳 誰 剛 王 遜 子 閔 王 承 承子 烈

王 無 忌 無 忌子 敬 王 恬 恬子 忠 王 尚 之 尚之

弟 恢 之 休 之 允 之 韓 延 之 恬 弟 愔 高 陽

王 陸 任 城 景 王 陵 弟 順 西 河 繆 王 斌

宣五王 平原王幹 郎 邪 武 王 仙 子 觀 澹 繆 王 斌

清 惠 亭 侯 京 扶 風 武 王 駿 子 暢 飲 梁

孝 王 文 六 王 齊 獻 王 攸 子 粲 贊 實 城 陽

廣 漢 殤 王 廣 德 樂 安 遼 東 悼 惠 王 定 國

平 王 鑒 樂 平 王 延 祚

王沈子浚荀顗荀勗子藩潘子遂閻馮統

賈充孫謚充弟混楊駿弟珣

魏舒李熹劉寔弟高高光

王渾子濟王濬唐彬

山濤子簡簡王戎從弟衍衍樂廣

鄭袤子默默李肩盧欽子淦弟珽珽華表子虞虞

弟石鑒温羨

劉毅子暉和嶠武陔任愷崔洪郭奕候史光何攀

劉頌李重

傅玄子咸咸從弟祗

向雄段灼閻纘

阮籍兄子咸咸子瞻瞻弟孚嵇康向秀劉伶謝鯨

胡毋輔之子謙畢卓王尼羊曼弟光逸

曹志庾峻子岷郭象庾純子秦秀

皇甫謐子方摯虞束皙王接

卻詵阮种華譚袁甫

惠帝愍懷太子遹子獻臧尚

陸機孫陸雲弟耽從

夏侯湛弟湛潘岳從子張載弟協

江統子彪孫楚子衆綽子統

羅憲兄子滕修馬隆胡奮陶璜吾彥張光趙誘

周處子玘玘子細周訪子撫撫子楚楚子瓊瓊子璜

諸王隱王瑋趙王倫齊武閔王問鄭方長

解系弟結孫旂孟觀牽秀繆播從弟皇甫重張輔

李含方閻鼎索靖子賈疋

周浚子嵩談從弟成公簡荀晞華軼劉喬孫耽耽

劉琨子羣琨兄祖逖兄

邵續李矩段匹磾魏浚族子郭默

武十三王毗陵悼王軌秦獻王東城陽懷王

景城陽殤王憲東海沖王祗始

平哀王裕淮南忠壯王允代哀王

演新都懷王該清河康王遐汝

陰哀王謨吳敬王元四王琅邪孝王

晏渤海殤王恢哀王沖武陵威王簡文三子會稽思

王導子悅洽劭晉治

劉弼陶侃侃子洪瞻夏琦旗斌稱

劉劭侃子洪瞻夏琦旗斌稱

劉劭侃子洪瞻夏琦旗斌稱

劉劭侃子洪瞻夏琦旗斌稱

劉劭侃子洪瞻夏琦旗斌稱

劉劭侃子洪瞻夏琦旗斌稱

珠宗人 劉遐 鄧嶽 子朱序

陳壽 王長文 虞溥 司馬彪 王隱 虞預 孫盛 子潛 子放

寶 鄧粲 謝沈 習鑿齒 徐廣

顧和 袁瓌 子喬 喬孫山松 瓌弟猷 從祖 江道 從弟 灌 灌

子車 肩 殷 覬 王雅

王恭 庾楷 劉牢之 子敬 殷仲堪 楊佺期

劉毅 兄 諸葛長民 何無忌 檀憑之 魏詠之

張軌 子實 實弟茂 實子駿 駿子重 華 重華子耀 靈 耀靈伯父祚 耀靈弟玄 靚 玄靚叔天錫

涼武昭 王李玄盛 子士業

孝友 李密 盛彥 夏方 王裒 許孜 庾袞 孫昇 顏含 劉殷 王延 王談 桑 虞 何琦 吳達

忠義 嵇縮 從子含 王豹 劉沈 麴允 焦嵩 賈渾 王育 章忠 辛勉 劉敏元 周 該 桓雄 韓階 周崎 易雄 樂道 融 虞悝 沈勁 吉悒 王諒 宋矩 車 濟 丁穆 辛恭 靖 羅企生 張禕

良吏 魯芝 胡威 杜軫 竇允 王宏 曹攄 潘京 范晷 丁紹 喬智明 鄧攸 吳隱 之

儒林 范平 文立 陳邵 虞喜 劉兆 范擘 徐苗 崔遊 范隆 杜夷 董景道 續咸 徐邈 孔衍 范宣 章諛 范弘之 王歡

文苑

應貞 成公綏 左思 趙至 鄒湛 東

李充 袁宏 伏滔 羅

外戚

羊琇 王恂弟虔愷 楊文宗 羊玄之

登 王濛子修 王

隱逸

孫登 董京 夏統 朱冲 范粲子喬

魯勝 董養 霍原 郭琦 伍朝 魯褒

績 汜騰 任旭 郭文 龔壯 孟陋 韓

張忠 石垣 宋纖 郭荷 郭瑀 郭嘉

龔玄之 陶潛 陶潛 戴逵 郭瑀 郭嘉

陳訓 戴洋 韓友 淳于智 步熊 杜

不愆 嚴卿 隗焯 卜珣 鮑靚 吳猛

幸靈 佛圖澄 麻襦 單道開 黃渚

索統 孟欽 王嘉 僧涉 郭曆 鳩

列女 羊耽妻辛氏 杜有道妻嚴氏 王渾妻鍾

氏 鄭妻曹氏 愍懷太子妃王氏 鄭

休妻石氏 陶侃母湛氏 賈渾妻宗氏

梁緯妻辛氏 許延妻杜氏 虞潭母孫氏

周顛母李氏 張茂妻陸氏 尹虞二女

苟崧小女 王凝之妻謝氏 劉臻妻

陳氏 皮京妻龍氏 孟昶妻周氏 何無

忌母劉氏 劉聰妻劉氏 王廣女 陝婦

人 靳康女 韋逞母宋氏 張天錫妾

氏 薛氏 侍堅妾張氏 竇滔妻蘇氏 許

登妻毛氏 慕容垂妻段氏 段豐妻慕容

氏 呂纂妻楊氏 李紉妻張氏 李玄盛

后尹 氏

全目 十二 系

四夷 夫餘馬韓辰韓肅慎倭人禰離等十國吐谷渾焉耆龜茲大宛康居大秦林邑扶南

王敦 沈嘉 桓溫 孟嘉

桓玄 卞範之 殷仲文

王彌 張昌 陳敏 王如 杜曾 杜弼 王機 祖約 蘇峻 孫

恩 盧循 譙縱

載記三十

前趙 三劉氏

前燕 四慕容氏

後趙 四石氏

前秦 四苻氏

後秦 四姚氏

後涼 一呂氏

西秦北燕 一乞伏氏 馮氏

南燕 二慕容氏

夏 一赫連氏

後蜀 二李氏

後燕 二慕容氏

南涼 一秃髮氏

北涼 一渠氏

魏書全目 衛史 稍節

帝紀十二

諸帝

毛 貨 顛 樓 越 推寅 利 侯
肆 機 蓋 倍 鄰 詰 汾 力 微 侯
漢 汗 悉 鹿 緯 那 祿 官 猗 包 猗
盧 鬱 律 賀 儔 乾 那 翳 槐 什 翼 提

全目

十三

絲

道武帝拓跋珪

明元帝嗣

太武帝拓跋焘景穆帝晃

文成帝浚

獻文帝拓跋弘

孝文帝宏

宣武帝恪

孝明帝詡

孝莊帝子攸

前廢帝恭後廢帝出帝

孝靜帝善

列傳九十二

后妃神元后竇氏 文后封氏 桓后郝氏 平文后王氏 昭成后慕容氏 獻明后賀氏

道武后慕容氏 劉氏 明元后姚氏

杜氏 太武太后竇氏 太武后赫連氏

賀氏 景穆后郁久闍氏 文成太后常氏

文后林氏 馮氏 馮氏 獻文后李氏 孝

千氏 高氏 胡氏 孝明后胡氏 孝靜

神元平文子孫統羅 嬰文 陸 因 壽樂 顏 素延 郁 日辰 六修 比干 呂 孤 敦 石 謂 大頭 齊 處真 泥

昭成子孫意君 翰 遵 窟 意烈 窟 窟

道武七王紹 熙 曜 黎

明元六王不 魏 連 黎 健 崇 俊

魏

太武五王

伏羅 翰 譚 建閭 余

景穆十二王

新成 上推 小新成 天明 壽 洛侯 雲 慎 長雷 木洛

兄休胡

文成五王

長樂 略 簡 若 猛

獻文六王

雍 詳 翽 羽

孝文五王

恂 愉 懷 悅

衛操莫含劉庫仁

燕鳳許謙張袞崔玄伯鄧淵

長孫嵩長孫道生

長孫肥尉古眞

穆崇

和跋奚牧莫題庚業廼賀狄干李栗劉潔古弼張

黎

奚斤叔孫建

王建安同樓伏連邱堆娥清劉尼奚春車伊洛清

石來大千周幾豆代田周觀閻大肥尉撥陸

呂洛拔

于栗磾

全日

十五

絲

魏
高湖崔暹封懿

宋隱王憲屈遵張蒲谷渾公孫表張濟李先賈彞

薛提

王洛兒車路頭盧魯元陳建萬安國

崔浩

李順

司馬休之司馬楚之司馬景之司馬叔璠司馬天助

刁雍王慧龍韓延之袁式

李寶

陸侯

源賀

薛辯寇讚鄺範韓秀堯暄

嚴稜毛脩之唐和劉休賓房法壽

羅結伊馱乙瓌和其奴荀頽薛野脂宇文福費于

孟威

韋閻杜銓裴駿辛紹先柳崇

竇瑾許彥李訢

魏

盧玄

高允

李靈崔鹽

尉元慕容白曜

韓茂皮豹子封勅文呂羅漢孔伯恭

趙逸胡方回胡叟宋繇張湛宗欽段承根闕駟劉

炳趙柔索傲陰仲達

李孝伯李冲

游雅高閻

游明根劉芳

鄭義崔辯

高祐崔挺

楊播

劉昶蕭寶夤蕭正表

韓麒麟程峻

薛安都畢眾敬沈文秀張謏田益宗孟表

李彪高道悅

王肅宋弁

全目

十七

絲

魏

郭祚張彝

邢巒李平

李崇崔亮

崔光

甄琛高聰

崔休裴延儁袁翻

劉藻傅永傅賢眼李神

裴叔業夏侯道遷李元護席法友王世弼江悅之

淳于誕李苗

陽尼賈思伯李叔虎路恃慶房亮曹世表潘永基

朱元旭

奚康生楊大眼崔延伯

余朱榮

余朱兆余朱彥伯余朱度律余朱天光

盧同張烈

宋醜辛雄羊深楊機高崇

孫紹張普惠

成淹范紹劉桃符劉道斌董紹馮元興鹿念張燭

全

十八

絲

朱端叱列延慶斛斯椿賈顯度樊子鵠賀拔勝侯
莫陳悅侯淵

慕儁山偉劉仁之宇文忠之

李琰之祖瑩常景

外戚 賀訥 劉羅辰 姚黃眉 杜超 賀迷
馮熙 李峻 李惠 高肇 于勁

儒林 李延寔

梁越 盧醜 張偉 梁祚 平恒 陳奇
常爽 劉獻之 張吾貴 劉蘭 孫惠

文苑 袁暉 裴敬憲 盧觀 封肅
盧景裕 李同軌 李業興

邢斌 裴伯茂 邢昕 温子昇

孝感 趙琰 長孫慮 乞伏保 孫益德 董洛
生 楊引 閻元明 吳悉達 王續生

李顯達 張昇 倉

節義 于什門 段進 石文德 汲固 王玄威
龔提 劉渴侯 朱長生 于提 馬入

龍門女愛 晁清 劉侯仁 石祖興
邵洪哲 王榮世 胡小虎 孫道登 李

兒 張安

良吏 張尙 鹿生 張應 宋世景 路邕 閻
慶徹 明亮 杜景 裴佗 賈瑛 羊敦

祖 王閻

酷吏 于浴侯 胡泥 李洪之 高遵 張
赦提 羊祉 崔暹 酈道元 谷楷

逸士 晁秀 馮亮 鄭脩

李謐

魏

丹烏洛侯

氏楊難敵吐谷渾宕昌羌高昌鄧至蠻獠

西域 六十
二國

蠕蠕匈奴宇文莫槐徒河段就六省高車 九部

序傳

志十

天象

地形

律歷

禮

樂

食貨

刑罰

靈徵

官氏

釋老

北史全目 魏齊周隋與各書
無甚同異故不錄

本紀十二

列傳八十八

廿一史約編

吳興 鄭元慶 芷畦

同學

葛 敏魯傳
陳 曼量公

韓錫爵書升
徐元禧非云

參訂

三國志

晉陳壽字承祚安漢人少好學師事譙周先仕蜀以不附黃皓屢見黜落入晉張華愛其才舉孝廉嘗撰諸葛亮集又撰蜀魏吳三國志六十五篇時稱良史張華嘗言當以晉書相付然丁儀丁廙有盛名壽謂其子可覓于斛米見與當與尊公作佳傳丁不與竟不立傳而壽父為馬謖參軍謖誅壽父亦疑遂議亮不長於將略士論以此少之

三國志

絲

漢昭烈帝 名備字玄德景帝子中山靖王之後父雄
早卒獨與母販履織席為業初依公孫瓚
為平原相歸陶謙領徐州牧與袁術戰敗降呂布
為豫州刺史布攻帝歸曹操為豫州牧尋起兵討
操敗奔袁紹操又擊帝於汝南奔劉表表卒帝走
夏口尋破操於赤壁得荆與益為漢中王曹丕篡
漢遂即皇帝位

魏 曹丕

後帝 名禪昭烈子

吳 孫權

皓 亮

晉書 凡一百三十卷 唐文皇御撰本

西世祖 姓司馬名炎字安世溫縣人祖懿為魏丞相加九錫伯師嗣為大將軍錄尚書事父賚繼

之封晉公進爵為王昭
卒帝受魏禪即皇帝位

惠帝

名衷世祖次子

懷帝

名熾世祖二十五子

愍帝

名鄴世祖孫吳孝王昱子

東元帝

名睿懿之曾孫瑯邪恭王觀子

明帝

名紹元帝長子

成帝

名衍明帝長子

康帝

名徽成帝母弟

穆帝

名聃康帝子

哀帝

名丕成帝長子

帝奕

哀帝母弟

簡文帝

名昱元帝少子

孝武帝

名曜簡文帝三子

安帝

名德宗武帝長子

恭帝

名德文武帝次子

附十七國

兩晉

二

絲

漢	劉淵	劉曜	劉聰
後趙	石勒	石虎	石世
前燕	慕容廆	慕容皝	慕容儼
前秦	苻洪	苻生	苻堅
後秦	姚弋仲	姚萇	姚萇
成	李特	李勢	李勢
前涼	張軌	張駿	張華
後涼	呂纂	呂隆	呂隆
北涼	段業	沮渠蒙遜	沮渠蒙遜

西涼	李暠	李歆
後燕	慕容垂	慕容寶
北燕	馮跋	馮熙
南燕	慕容德	慕容麟
西秦	乞伏國仁	乞伏國仁
夏	赫連勃勃	赫連勃勃

魏書
 北齊魏收小字佛助鉅鹿人官尚書右僕射天保二年詔修魏史恃才作意軒輊任情每云何物小子敢與魏收作色嘗得陽休之助因謝曰無以爾德當為卿作佳僚爾朱榮于魏為賊而論曰若修德義之風韓彭伊霍亦何足數于是善成投牒者百數共詆為穢史收無子齊亡後冢被發至暴野外隋文帝勅魏澹史撰魏書大篇收之失與唐張大素裴安時等所撰魏書今皆不傳稱魏史者

惟以魏收書為
主凡百三十卷

北史

唐李延壽字遐齡相州人父多識舊事嘗以未齊
梁陳魏齊周隋天下參隔南方謂北為索虜北方
指南為島夷其史於本國詳他國略思有以改正
之擬春秋編年例事未成而卒延壽乃追述先志
本魏登國元年盡隋義甯二年作本紀十二列傳
八十八謂之北史本宋永初元年盡陳顯明三年
作本紀十列傳七十謂之南史合百八十篇其
書頗有條理延壽年少知名仕終兼修國史

魏

拓跋珪

魏

于攸
恭
修

嗣
濟
宏
翊
元暉
朝

費詩左

漢昭烈帝

在位三年
號章武

漢昭烈不獨英雄已也。跡其結關張於草莽。識趙雲於
屏中。不忍取劉琮荊州。不忍棄荊州百姓。固已立心信
義志在安民者矣。至孔明高不仕之風。帝不靳三顧之
請。君臣遇合。稱極盛焉。雖偏安西蜀。不如魏之中原。吳
之江左。然以帝室之裔。為獻帝發喪服制。曹不篡漢。始
稱尊號。武擔即位。猶之鄣南踐祚也。所可惜者。以羽之
勇。失諸呂蒙。以帝之智。失諸陸遜。遂至失荊州。敗猓亭。
未免使英雄短氣耳。

帝即毅見原
知人待士

諸葛亮嘗謂

關張有國士之風

昭烈帝
初曹操從容謂帝曰。今天下英雄惟使君與孤耳。帝方食失匕箸。其輒晦如此。帝與關羽張飛友善。恩若兄弟。趙雲詣公孫瓚座中見帝。帝奇之。雲遂從帝。○曹操擊劉表。會表卒。子琮舉州降。時帝屯樊。或勸帝攻琮。則州可得。帝曰。劉州臨亡。託我以孤遺。背信自濟。吾不為也。荆人多歸帝。眾至十餘萬。輜重無數。日行無幾。或謂帝曰。曹兵迫甚。宜速行。保江陵。不得復顧。眾曰。濟大事者必以人。為本。今人歸我。我何忍棄去。○諸葛亮寓居隆中。草廬自比。管仲樂毅。帝訪於司馬徽。徽曰。識時務者在俊傑。此間自有伏龍鳳雛。帝問誰。曰。諸葛孔明。龐士元也。帝由是請亮。三往乃得見。帝曰。孤之有孔明。猶魚之有水也。○孫權嘗為其子求昏於關羽。羽不許。權怒。及羽攻樊城。呂蒙請發兵襲羽。權許之。蒙使白衣搖櫂作商賈服。晝夜兼行。盡縛江邊屯候。糜芳等開門出降。蒙獲羽及其子平。俱被害。遂失荆州。○帝恥關羽之沒。自將伐吳。張飛自閬州來會。其帳下張達范疆殺飛。吳陸遜用火攻。大破漢軍於猇亭。帝還永安而崩。

漢後帝 在位四十一年 號建興 延熙 景耀 炎興

劉芝脩好於用兵攻心為上 七縱七擒 丞相亮出圖中原 司馬懿畏蜀如虎 木牛流馬

漢後帝克遵遺命。父事孔明。連吳伐魏。明討賊之義矣。而孔明亡。漢其能久乎。鍾鄧入蜀時。當劔閣天險。陰平小徑。使姜維守之。復為分護。則魏十萬之師。可以坐困。烏能攀木緣崖。入無人之地。七百餘里。而使成都。不守哉。設聽北地王謀言。乘將士拔刀斫石之怒。背城一戰。以殉社稷。猶為善策。乃惑於譙周之論。遠上璽綬。出降於魏。毫不思蜀。喜笑自如。宜乎天下正統。歸於司馬。而赤帝子之炎。竟成灰燼矣。

司馬懿受巾
囑之辱

孔明食少事
煩

死諸葛走生
仲達

八陣圖
天下奇才

祭立垂泣
李平致死

漢後帝

昭烈病篤。謂亮曰：君才十倍曹丕，必能安國，終定大事。若嗣子可輔，輔之如其不才，君可自取。亮泣曰：臣死且不避，股肱之力，効忠之節，繼之以死。又救太子曰：勉之，勉之，勿以惡小而為之，勿以善小而為之。惟賢與德，可以服人。汝父德薄，不足效也。汝與丞相從事，事之如父。魏鍾會、鄧艾統十餘萬眾入漢中，衛將軍諸葛瞻、糜芳戰於綿竹，敗績。及其子尚皆死之。艾至成都，譙周勸帝出降。皇子北地王諶曰：若理窮力屈，當背城一戰，同死社稷，可也。奈何降乎？帝不聽。諶哭於昭烈廟，先殺妻子，後自殺。帝遂降。姜維得帝敕命，亦降。魏封帝為安樂公。他日與宴，作蜀技，旁人皆感愴。帝喜笑，自若。司馬昭謂賈充曰：人之無情，乃至於是。雖使諸葛亮在，不能輔之。況姜維乎？他日問曰：頗思蜀否？答曰：此間樂不思蜀也。秘書令郤正教之曰：若王復問，宜泣而答曰：先人墳墓遠在岷蜀，乃心西悲，無日不思。因閉其目，會昭復問，對如前。昭曰：何乃似卻正語？帝驚視曰：誠如尊命。左右皆笑之。

附魏

曹操追尊太
祖武皇帝

丕僭稱文帝
號延康黃初
凡七年

獻帝稱明帝
號太和青龍
景初凡十三
年

三國志

六

系

曹操名為漢臣，實為漢賊。弑伏后，鳩皇子，罪不合以死。而且云：吾欲為周文王，抑何不自量也？子不以參為禪，觀其立九品官人之法，及為詩文，皆可為後世法。奈違敦睦之風，背維城之義，凡茲同姓，皆寄名王侯，陋同匹夫。而且收父妾，殺任城，殺甄氏，其母罵曰：狗鼠不食汝餘，乃得列於開國之君，不其惡而獻為甄氏親子，丕鹿感父，其辭慘怛，自處閨房，宜不蹈故轍矣。孰意初娶毛嬪，即廢虞姬，寵郭氏，即殺毛嬪，以至宗社無賴，僅以養

芳初封齊王
權號正始嘉
平凡十四年

懿初封高貴
鄉公僭號正
元甘露凡六
年

負儲稱元帝
號景元咸熙
凡六年

子芳囑司馬懿輔政未幾而懿死矣魏可以存也。川懿之子師嗣為大將軍遂廢芳而立丕之孫髦。髦立一師死矣。魏可以存也。而師之弟昭威權益甚髦不勝曾弗曰。司馬昭之心路人所知也。欲殺昭反為昭所弒。而二操之孫魚與立而昭又死矣。魏可以存也。而昭之子。天意攸歸。方在衰經。急遽攘袂焉。夫司馬之不忠於曹與曹之不忠於漢。一也。懿之父子兄弟不能成帝與操之終身不敢稱帝。一也。豈非天哉。豈非天哉。魏自曹不篡漢至負凡五世計四十六年。

附吳

孫堅道尊
烈皇帝

策追封長沙
桓王

權僭稱大帝
號黃武黃龍
嘉禾赤烏太
元凡廿三年

孫堅以孤起之兵。首挫賊鋒。深蹂洛川。孫策以童年提一旅之師。開地千里。長沙父子。豈非漢室蓋臣哉。孫權上承遺烈。保據江東。徘徊觀望。未敢遽正名號。其僭位改元在昭烈崩。曹丕死之後。亦可謂審時度勢者矣。然不能體父兄切漢之心。思魯肅同仇之語。并力以除漢賊。徒聽呂蒙詭計。襲殺關羽。及昭烈問罪江陵。即懼而降。丕以冀一時免禍。猊亭之勝。權略雖雄。按諸忠孝。兩虧其去。劉景升兒子。未為大遠也。權歿。少子亮繼亮幼。

亮潛號建興
五鳳太平凡
六年

休偕稱景帝
號永安凡六
年

皓初封烏程
侯爵號元興
甘露寶鼎建
衡鳳皇天冊
天璽天紀凡
十七年

年取蜜卽辨真偽左右嘆其英毅奈孫峻用事繼代輔
政其惡尤甚未幾繼廢亮爲會稽王亮尋自殺亮之兄
休繼喜讀詩書與韋昭盛冲講習舊聞又能奮發斬繼
頗有機略然性多嫌忌果於殺戮七年而歿子靈幼萬
或等贊立權之孫皓剝人之面鑿人之目民實不堪承
爵十七年晉師至石頭面縛出降而青蓋果入洛陽矣
蓋司馬氏虎視已久以術愚吳雖欲不亡胡可得耶吳
自權至皓凡四世計五十二年歸命侯亡於晉初太康
猶爲得所矣

紉斷以青麻
代之
焚雉頭裘

李密陳情

羊祜野裘緩
帶

峴山墮淚碑

晉世祖 在位廿五年號
太始成帝南泰康

晉世祖司馬炎承魏氏奢刻厲恭儉封宗室用漢名臣
子孫蜀平復益州半租吳降遣使分除苛政跡其始事
亦屢見爲政之仁第暗於知子納賈充女致元康之亂
蔽於信讒疎齊王攸失藻鑑之明昧於防患尊寵劉淵
基亂華之禍而且后黨專權三楊鬻爵清談放達上下
相沿其何以國先是平吳之後納吳宮女五千羊車行
樂乃九年而歿一傳卽壞晉赫赫以滅吳吳冥冥以滅
晉非天道報施之巧乎

阮籍青白眼
大小阮

山公啟事

子侯門人廢
藝我

杜武屠

世祖

帝欲為太子娶衛瓘女賈充妻昭揚后左右恣納充女。齊王攸德望日隆荀勗等譖之出為青州都督。尋卒。后父楊駿弟珧濟三楊勢傾中外預政賣官。王衍畢卓等俱尚清談衍少時山濤見之嘆曰。物老嫗生此甯馨兒然誤天下蒼生者必此人也。畢車聞比舍釀熟因醉夜至甯間盜飲為掌酒者所縛。明旦視之乃軍吏部也樂廣笑曰。名教中自有樂地何必乃爾。嵇康阮籍阮咸山濤向秀王戎劉伶號竹林七賢悅為放達。帝乘羊車遊宴於內宮人戶插竹以引帝車。時有殺母者阮籍聞之曰。嘻殺父猶可乃殺母乎坐中怪其誕籍曰禽獸知母而不知父殺父禽獸也殺母禽獸不若矣眾乃釋。杜預就思經籍好左氏春秋為著釋例時王濟好相馬和嶠好積聚預嘗言濟有馬癖嶠有錢癖帝聞之謂曰卿有何癖對曰臣有左傳癖。賈充謂孫皓曰。聞君在南方鑿人目剝人面皮此何刑也皓曰。人臣有弑其君及奸回不忠者則加此刑充默然深愧。

晉惠帝

在位十七年號永熙元康永康永甯太安永興元熙

王戎牙籌會
計
賈李籍核
謝瞻三字塚
將勇同
魯褒錢神論
孔方兄

晉惠帝不辨菽麥聞臺鳴問為官為私見民饑曰何不食肉糜一任南風烈烈牝雞司晨趙王倫弑后篡帝既伏誅矣而成都河間等各欲為天子究之互相魚肉不能自有其身皆由帝為人驕驕以至八王擾亂骨肉紛爭當世祖時和嶠言不了家事衛瓘言此座可惜其殆不先見哉迹帝一生不保母后以媳弑姑不保妻子忽廢忽復不保其身食餅中毒識者謂司馬懿父子好殺之所致其信然歟。

貂蟬盈坐狗尾續貂

齊萬年僭稱帝伏誅

趙歇據蜀李特殺之

惠帝

賈后名南風洛中謠曰南風烈烈吹黃沙。趙王倫勒兵殺賈后并殺張華潘岳石崇等僭稱帝改元建始淮南王允討之不克而死齊王閻成都王穎河間王顒等討倫伏誅尋罷及穎舉兵反。河間王使長沙王又殺齊王東海王越殺長沙王。穎入京師自為丞相顯表顯為皇太弟自為太宰東海王討之顯穎皆伏誅。初和嶠謂世祖曰皇太子有淳古之風而季世多偽恐不了家事他日衛權佯醉對世祖欲言而止者三第以手撫牀曰此座可惜世祖悟乃謬曰公真大醉矣。賈后殺太后并太子遹。立羊后及太子覃顯廢之越又復之張方又廢之既又復之張方顯之將也。帝食餅中毒或曰太傅越鳩之。初司馬懿平公孫淵男子十五以上七千人皆殺之殺傷公卿等二千餘人滅曹爽三族姑姊妹之適人者皆殺之司馬師誅李豐等亦皆夷三族。索靖知天下將亂指洛陽宮門前瓦螭嘆曰會見汝在荆棘中。張翰因秋風起思菰菜蓴羹鱸魚膾嘆曰人生貴適志富貴何為。引去。

晉懷帝 在位六年 號永嘉

王衍三窟

何曾日食萬錢

晉懷帝立為太弟天姿清劭論務考經傳宣漢為世祖復見及即位太傅越擅殺王延等十餘人帝但流涕而已。羽檄徵兵卒無一至寇入宣陽門帝出華林園追兵執之殺太子虜羊后掘陵焚廟遷帝於平陽封會稽郡公劉聰問曰卿家骨肉何相殘帝曰為陛下自相驅除嗟嗟堂堂天子而作此語甚為中國羞而青衣行酒光極殞身不更悲乎珉雋之俱盡與賓朗之同斬魯梁之義貞兩朝大節誠不可沒云。

晉書

十

絲

江東百六椽

陳敏據歷陽
陶侃破之

懷帝

京師飢困日甚太傅越使以羽檄徵天下兵入援卒無至者。漢劉聰使前將軍呼延晏寇洛執帝及太后羊氏去會聰宴羣臣於光極殿使帝著青衣行酒庾珉王雋不勝悲泣聰惡之殺珉等帝亦遇害。賓朗魯梁事見後。後劉曜納羊氏為后問曰吾何如司馬家兒羊氏曰陛下開基聖主彼亡國暗夫一婦一子及身三丑不能庇意謂世間男子皆然自奉而櫛以來始知天下有丈夫也曜甚愛之。王衍等奉越喪還葬石勒率輕騎追之執衍等問以晉故衍曰計不在已且自言少無宦情因勸勒稱尊號冀以自免勒曰君少壯登朝何得言少無宦情耶破壞天下非君而誰夜使人排牆殺之。時諸召士遊宴新亭周顛嘆曰風景不殊舉目有江河之異因相視流涕王導愀然變色曰諸君子當戮力王室克復神州何至作楚囚對泣耶眾皆收淚謝之。京洛人有兼男女體亦能兩用人道而性又淫蓋自成帝後士大夫皆尚男寵甚於女色遂致陰陽氣亂而妖作

榮服署號

張光死如登仙

丞相春出師
露次

晉愍帝

在位四年
號建興

晉愍帝當播亂之餘長安復陷內外阻絕苟非忍恥送羹士民何以生為不得已羊車一乘肉袒出降羣臣號泣攀車帝亦悲不自勝尋至平陽稽首聰前聰出敕使帝戎服前導見者指之曰此故長安天子也遇宴饗使帝行酒洗爵已而更衣執蓋帝處無可如何為人所不能為而身受其難非盡失德也皆由祖宗挾數用術以得天下使聰奴再入幽辱六宮子孫被弑而與午之裔四傳即滅於情則慘於理固當也哉

張實獻璽
遣兵入援

陶侃平杜弼
於湘州

日隕地又三
日相承出於
西而東行

愍帝

劉曜陷長安內城。飢甚。帝泣曰：當忍辱出降，以活士民。遂送箋於曜，中丞吉朗曰：吾智不能謀，勇不能死，何忍君臣相隨？北面事賊乎？乃自殺。及帝遇害，尚書辛賓抱帝大哭，曜并殺之。曜陷涇陽，獲將軍魯充、梁緯，飲之酒，充曰：不敢求生，惟求速死。曜曰：義士也，與之劍，令自殺。緯妻辛氏，美色，曜將妻之，辛大哭曰：妾夫已死，義不獨生。且一婦而事二夫，明公安用之？曜曰：貞女也，亦令其自殺。○英午，司馬別號。○祖述，少有大志，與劉琨同寢，中夜聞雞鳴，琨起曰：此非惡聲也，因起舞。後述為豫州刺史，渡江中流，擊楫曰：祖述不能清中原，而復濟者，有如大江！琨謂人曰：常恐祖述先我著鞭。○陶侃刺廣州，在署，執朝運百甕於齋外，暮運於齋內，人問其故，答曰：吾方致力中原，過爾優逸，恐不堪事，故自勞耳。又嘗語人曰：大禹聖人，乃惜寸陰，至於衆人，當惜分陰，每宴集，自飲必有定限，權常不盈，或勸少進，則悽愴久之。○年少時，曾有酒失亡，親見約，故不敢逾。

晉元帝

在位六年 號建武 太興 永昌

晉元帝以牛繼馬，隆準龍眼，顧盼煒如。思晉者咸歸加，以天性簡儉，容受直言，祥刑向化，史稱中興焉。後世責之者，以二帝蒙塵，不聞有勤王之舉，然草創江東，斬袁避號，豈皆可議哉？惜其即位之後，僅僅自保，卒以王敦肆逆，憂鬱而殂。雖有運甓之士行，擊楫之士雅，寄命之茂，引絕裾之太真，高名之若思、伯仁，相與戮力王庭，而沒齒不能收侵疆咫尺，豈非明斷不足，不曾有中原之志與？

王與馬共天下

負循為世備

鉛刀豈無一割

日復出言三丈

三國時張掖郡方勇寶石負圖有石馬七及犧牛之象又有牛繼馬後之謠故司馬懿深忌牛氏會有將牛金者懿心疑之遂為二櫛分貯酒而共一口名金侍飲自飲佳者而以鴆飲金金死至是恭王如夏侯氏適與小吏牛氏通而生帝○陶侃字士行祖愨字士推事見前○帝謂王導曰茂弘方寄卿以百里之命○溫嶠字太真欲詣建康其母崔氏固止之嶠絕裾而去○戴淵字若思王敦下石頭若思舉兵拒戰而敗後一日奉詔見敦敦謂曰我此舉天下以為何如若思曰見形者謂之逆體誠者謂之忠敦笑曰卿可謂能言時另猶有恨於若思說敦殺之志士無不痛惜○敦之作亂也刁協等勸帝盡誅王氏帝不許王導率其族詣闕待罪周顛將入導呼曰伯仁以百口累卿顛不顧及見帝中故甚至導不知也甚恨之尋以導為都督敦謀旋沮呂猗說敦殺顛敦問導導不答敦遂殺顛後導見顛救已之表執之流涕曰我雖不殺伯仁伯仁由我而死幽冥之中負此良友敦竟不朝天子而返武昌鎮

晉明帝 在位三年 號太甯

王彬切諫王敦

溫嶠手板擊錢鳳墜幘

晉明帝少與庾亮溫嶠相友善王敦思圖廢帝誣以不孝嶠曰鉤深致遠非淺局所量以禮觀之可謂孝矣逆謀遂沮即位後敦親任嶠嶠亦謬為勤敬會丹陽尹缺敦命嶠往至建康盡以致謀告帝帝與庾亮畫計遣王導討之導聞敦疾篤率子弟為敦發喪眾信以為死咸有奮志帝率諸軍襲擊破前鋒出敦屍踞而斬之非智勇深沉何能光復大業哉使歷年久而復能以文廢清談以武濟削弱晉祚其不墜乎

王敦三計

陶侃竹頭木屑

明帝
元帝委任刁協等王敦不能平於是嫌釁始構每酒
後輒咏魏武帝樂府歌曰老驥伏櫪志在千里烈士
暮年壯心不已以如意打唾壺為節至壺邊盡飲然
經略指麾能使千里外肅然而麾下紘擾恆不能攝
識者知其無成至是復欲舉兵使郭璞筮璞曰無成
又問曰吾壽幾何答曰明公起事禍必不久若住武
昌壽未可量敦大怒曰卿壽幾何璞曰命盡今日日
中遂收璞斬之○帝自出視敦軍敦晝夢日環其營
驚寤曰黃鬚鮮卑兒來耶亟追之不及帝母鮮卑人
故云○惠懷之初河東先擾郭璞筮之投策而嘆曰
嗟乎黔黎將湮於異類桑梓其剪為龍荒乎遂潛結
姻昵避地東南未幾而大亂起庾翼幼時嘗令璞筮
公家及身卦成曰建元之末邱山崩長順之初子凋
零及康帝改元建元或謂庾冰曰子忘郭生言耶邱
山上名何用此號冰撫然嘆恨及帝崩何充改元為
永和庾翼嘆曰天道精微乃如是永和者長順也吾
殆不免矣是年翼卒璞先從郭公遊得其
青囊中書九卷由是天文五行無不精洞

晉成帝 在位十七年 號咸和咸康

十畫父子忠

溫嶠灑泣登舟

桓彝起琴赴難

晉成帝六歲時庾亮殺南頓卽能詰問流涕庾惸欲害
王允之震怒而憚飲醢惜主少時艱悞激蘇峻之亂峻
雖狂悖使當時犬牙相制亦未敢遽反夫何庾亮輕淺
無謀處置失宜遂致遺憂國母遷帝石頭亮之擅權悞
國非帝之寵任太過哉倘非溫嶠諸公協力同心蘇峻
何能授首陶侃握重兵不聞救援必待嶠再三邀說其
成厥功嶠真誠心王室者也帝能任用國士以平大慙
舍子立弟尤為盛德矣

陶侃討郭默斬之

王述不答江東米價

陶侃折翼之夢

成帝

庾亮級南頓王宗帝不知也久之帝問亮曰白頭公何在亮對以謀反伏誅帝泣曰曷言人作賊便殺之人言舅作賊當何如○庾亮以酒餉王允之覺而飲犬犬斃密奏之帝曰大舅已亂天下小舅復欲爾耶○庾亮以蘇峻久在歷陽終為禍亂欲徵之十盡溫嶠累止之不聽乃下詔徵峻為大司農峻拒命曰臺下云我欲反豈得活耶我甯山頭望廷尉不能廷尉望山頭遂結祖約舉兵內向乘風縱火臺省宮闕一時燼蕩侵逼六宮裸剃士女士女至以苦草自障無草者坐地以土覆之哀號之聲徹中外焉○葛洪字稚川嗜神仙導引之法從祖元學道得仙號葛仙翁其煉丹秘術授之弟子鄭隱洪從隱學盡得其秘咸和初司徒導召補主簿于寶復薦為大著作皆固辭聞交趾出丹獨求為句漏令行至廣州刺史鄭嶽留之乃煉丹於羅浮山中著述不輟所著內外一百十六篇名曰抱樸子○時庾亮雖居外鎮而遙執朝權王導內不能平嘗遇西風塵起舉扇自蔽徐曰元規塵汚人

晉康帝 在位二年 號建元 穆帝 在位十七年 號永和升平

殷浩書空作咄咄怪事字

謝萬後來之秀

晉康帝詔議經略中原思所自立雖不能一舉蕩平亦足覘其意向不意在位僅二年穆帝繼之任用桓溫伐漢平蜀威名大振褚裒表請伐趙存中國體奈彭城死亡畧盡晉其稍頓矣乎後石氏亂溫請經略殷浩師徒屢蹙溫上疏廢之自此內外大權悉歸於溫矣帥師敗秦進軍灞上又伐姚襄結陳而前自中原淪陷諸陵廢祀溫能入洛修謁固足伸臣子之情而不知其戰勝攻取適以自利徒為晉厲耳

晉書

十五

系

安石不起當如蒼生何

王弼何晏罪深桀紂

康帝穆帝
桓溫生未暮溫崎見之曰此兒有奇骨可試使啼及
啼曰真英物也其父舜以崎賞遂名曰溫尚南康公
主庾翼薦於帝曰溫有英雄之才願勿以常婿畜之
時杜乂與浩並才名冠世翼勿之重也曰此輩宜東
之高閣俟天下太平徐議其任○褚裒字季雅與杜
又齊名有簡貴風桓彝嘗曰衛玠神清杜乂形清又
白季雅有皮裏春秋言其外無臧否內有褒刺也謝
安亦云衷雖不言而四時之氣已備○殷浩善玄言
或問曰將蒞官而夢棺將得財而夢糞何也浩曰官
本臭腐故得官而夢尸錢本糞土故得錢而夢穢人
以為名言浩既廢其後溫復欲以為尚書令先遺書
告之浩欣然將答書慮有謬誤閉門凡數十次竟達
空函溫怒絕之浩父羨字洪喬即世傳不作致書郵
者也○北海王猛姿度儼偉神爽俊發不參其神氣
者略不與交惟悠然自得候風雲而後動及桓溫入
關猛披褐詣之一面談當世之務捫顴抗言旁若無
人溫異之欲與俱南不就卒為時堅佐命

王述不為慮

沈勁移孝作忠洛陽死節

晉哀帝

在位四年號隆和興甯

帝奕

在位五年號太和

晉哀帝時桓溫跋扈請遷都洛陽議移洛陽鐘虞賴孫
綽王述危言辨論其事不行至所引用髡參軍短主簿
帝無法處之尋以餌藥得疾而殂帝奕嗣位溫聽郗超
謂伊霍之舉可以立威乃請建康諷褚太后太后悲號
溫亦色動王彪之獨出霍光傳禮度儀制定於須臾遂
廢帝為東海王犢車歸第夫桓溫入朝立談以廢其君
是篡弒之漸也而彪之助惡之罪亦不在郗超下遺臭
萬年當不止桓溫一人矣

桓温枋頭敗
續歸罪袁真

司馬勳僭稱
成都王伏誅

哀帝帝奕

桓温既以雄武專朝窺覲非望嘗臥對親賓曰為爾
寂寂將為文景所笑眾莫敢對既而撫枕起曰大丈夫
夫不能流芳百世不足遺臭萬年耶一日行經王敦
墓望之曰可人可人其心跡如此○温以郗超為參
軍王珣為主簿每事必與二人謀之府中語曰晉家
軍短主簿能令公喜能令公怒○郗超黨桓氏而父
愔乃心王室絕不令父知及病將革乃出書一箱付
門生曰本欲焚之恐吾亡後家君傷感特甚若見大
損眠食幸呈此稍情果哀悼成疾門生如趨語呈箱
則悉與温往返密計也愔大怒曰小子死恨晚矣遂
不復哭○王珣與謝玄同為温掾温俱重之嘗曰謝
掾年四十必擁旄仗節王掾當作黑頭公皆未易才
也○顧愔之食甘蕉恆自尾之本人怪之云漸入佳
境尤善丹青每畫人或數年不點目睛人問故答曰
四體妍媸本無關於妙處傳神寫照正在阿堵中嘗
圖裴楷象頰上三毛觀者覺神明殊勝又為謝鯤像
在石巖裏曰此子正宜置邱壑中世傳愔之有三
絕才絕畫絕擬絕有文集行世晉陵之無錫人

晉簡文帝

在位二年
號咸安

安見温遙

桓温威震內
外

晉簡文帝留心典籍意度閒雅雖凝塵滿席湛如也支
道林謂其有遠體而無遠韻清談差勝耳聞奕廢時亦
嘗流涕不能討逆反正位焉時勢使然也郗超請省父
帝曰致意尊公家國之事遂至於此因詠庾闡詩泣下
沾襟帝之憂愁嘆息自有深情其意況可知二年而殂
羣臣未敢擅立或云當大司馬處分彪之正色而談朝
議乃定世皆謂彪之助温為虐不能善用其才然即此
而論亦能矣哉

簡文帝

庾闡詩云志士痛朝危忠臣哀主辱。王彪之正色曰君崩太子代立大司馬何容得異若往客反為取責耳朝議遂定彪之年甫二十鬚鬢皓白時人謂之王白鬚。王羲之嘗自言我書比鍾繇當抗行比張芝草猶當雁行也與人書云張芝臨池學書池水為黑使人耽之皆若未必後之羲之愛鵝喜其鳴山陰道士嘗養佳鵝羲之往觀喜固求市之道士云為寫道德經當舉羣相贈羲之欣然寫畢籠鵝而去。王徽之每居宅中便令種竹或間故但嘯咏指竹曰何可一日無此君在山陰夜雪初霽月色清朗四望皓然乃獨酌酒咏左思招隱詩忽憶戴逵時逵在剡便乘月泛舟詣剡及逵門不前而返人問故答曰乘興而來興盡而返何必見安道。王獻之與兄操之徽之俱詣謝安二兄多言俗事獻之寒温而已既出客問安三王優劣安曰小者佳客問故安曰吉人辭寡獻之工草隸善丹青七八歲時學書羲之密從後擊其筆不得嘆曰此兒後當有大名嘗書壁為方丈大字羲之甚以為能觀者如堵

安為性命忍須臾

然感逆行人太微

晉孝武帝

在位廿四年號甯康太元

晉孝武帝冲年踐祚謝安輔政舉與大綱謝玄謝石才能稱職新亭數語從容以消祖温之心淝水一戰談笑以折苻堅之寇厥功偉矣使女不出鎮廣陵關土開疆中原大可望也。不意會稽王世子權姦構釁哲輔云也。毒賦年滋愁民歲廣帝復日夕酣歌張貴人寵冠後宮乃以一言之戲被絀清暑殿中嗟嗟長星見而猶舉酒相祝曰長星勸汝一杯酒自古何有萬歲天子古人遇災而懼謂之何哉剗刃其胸宜已。

謝安違眾舉親圍棋賭墅

抱死節

王恭濯濯如春月柳

桓元穆也不得志

徵處士戴逵不至

桓伊三弄笛

孝武帝

桓溫來朝詔謝安王坦之迎於新亭時都下人情洶洶云欲誅王謝因移晉室溫既至大陳兵衛延見朝士坦之流汗沾衣倒執手板安神色不變從容謂溫曰安聞諸侯有道守在四鄰明公何須壁後置人溫謀主臥帳中風動帳開安笑曰郗生可謂入幕之賓矣溫以疾還鎮而卒謝玄謝石大破苻堅於淝水秦兵敗走見八公草木及風聲鶴唳皆以為晉兵晝夜不敢息死者什七八謝安得驛書知秦兵已敗時方與客圍棋攝書置膝了無喜色客問之徐答曰小兒輩遂已破賊既還肉不覺展齒之折道子擅權與安有隙安請出鎮廣陵尋卒帝詔曰新喪哲輔戎華未一○道子不親穢祿惟擊首昏目為長夜飲桓元嘗候道子正值其醉密客滿坐乃張目謂曰桓溫晚塗欲作賊云何元伏地流汗長史謝重為解曰宣武公黜昏登聖功超伊霍道子領曰儂知儂知○張慎人年近三十帝戲曰汝以年當廢吾意更屬少者已而醉寢清暑賜賈人遂弑帝

晉安帝

在位廿二年號隆安元興義熙

恭帝

在位一年號元熙

東西錄

皇甫希之

劉裕碎琥珀枕

晉安帝口不能言飢飽不能辨寒暑非已出與居之度皆道子為之節制桓元稱兵犯闕遷帝潯陽劉裕一出而削平之魏崔浩曰劉裕之平禍亂司馬德宗之曹操也後果令王韶之以散衣繼帝於東堂恭帝雖立僅擁虛名傅亮具禪位草詔請帝書帝欣然曰晉氏久已失之今復何恨遂避於瑯邪第與褚妲共處一室煮食牀前踰年遇掩被之難與安帝無異雖有流涕之徐廣自醜之張偉亦何益哉

益智後
續命湯

羅企生一門
忠孝

譙縱僭稱成
都王尋敗

安帝恭帝

桓元殺道子等僭稱帝遷帝於淨陽登御座而狀忽
陷羣下皆失色殷仲文進曰將由聖德深重地不能
載元大悅敗元建始或曰建始趙王倫偽號也敗永
始亦王莽始執權之歲僭逆冥符如此○劉裕與何
無忌劉毅謀討元或曰劉裕烏合之眾耳勢必無成
元曰裕勇冠三軍當今無敵劉毅家無擔石而擣滿
一擲百萬何無忌酷似其舅共舉大事何謂無成無
忌劉生之甥也○元兵屢敗甚懼問其眾口朕敗于
曹靖之曰神怒人怨臣實懼焉元曰卿何不諫對曰
諸君子皆以為堯舜之世臣何敢言及敗馮遷捕刀
而前將刃之猶曰汝是何人敢殺天子遷曰吾殺天
子之賊遂斬之○德宗安帝之字○恭帝被廢時秘
書監徐廣悲涕哀慟侍中謝晦謂之曰徐公得無小
過廣曰君為宋朝佐命身是晉室遺老悲歡事固不
可同○裕以酒授張偉進帝偉曰醜君求生不如死
遂自飲而卒裕又命褚暎之踰垣而入以被掩帝曰
帝遂遇害

附十七國

漢即前趙 後趙 三秦
五燕 五涼 蜀 夏

劉淵僭號元
應永鳳和瑞
凡六年

和一月
聰僭號元興
嘉平建元
嘉凡八年

兩晉雲擾之國有十七焉漢劉淵匈奴也仕晉為甯朔
將軍幼好學嘗自言吾縱觀書傳竊鄙隨陸無武絳灌
無交道由人弼一物之不知固君子所恥也一生遇高
皇而不能建封侯之業兩公屬太宗而不能開庠序之
美惜哉遂兼學武事妙絕羣輩時或慷慨獻猷縱酒長
嘯識者知其非常人永興元年自稱大單于尋僭稱帝
據平陽子和嗣弟聰弑之自立攻晉絀懷愍時有流星
落平陽北八十里視之則肉也長二十丈廣二十七丈

晉書

卷

七

曜僭號北朝
九十二年

臭達平陽內旁常有哭聲未幾聰死子粲嗣斬準篡之
劉氏無少長皆斬東市於子劉曜盡殺靳氏而自立改
號越子熙士為石虎所滅後趙石勒羯也劉聰之臣年
十四隨人行販洛陽倚曠上東門王衍見而異之謂左
右曰向者胡雛吾觀其聲視有奇恐將為天下患遣收
之則勒已去矣勒雖不學而雅好文史嘗令儒生讀史
傳聽之每以其意論古帝王善敗之故往往暗合一日
使人讀漢書至酈食其勸立六國後大驚曰此法當失
何遂成王業讀至留侯諫曰賴有此耳其英達如此大

石勒僭號太
和建平凡十

六年

興二年福王尋僭稱帝據上黨嘗顧問侍臣曰朕可方
古何等主對曰陛下神武邁高皇雄略超魏祖其古軒
轅之亞乎勒笑曰人苦不自知卿言太過朕若遇高皇
當北面事之與韓彭競鞭爭先脫遇光武當竝驅中原
未知鹿死誰手大丈夫行事當磊磊落落如日月皎然
終不能如曹孟德司馬仲達父子欺人孤兒寡婦狐媚
以取天下也朕當在二劉間軒轅豈所擬乎羣臣頓首
稱萬歲尋死子弘嗣石虎弑之并盡殺勒種而自立遷
於鄴淫惡異常時諫者有獵車千乘養獸萬里奪人妻

弘僭號延熙
凡一年
虎僭號建武
太甯凡十五

年
世二月
遵六月
廢僭號青龍
凡四月
祗僭號永寧
凡一年
再賜帝號永
興凡三年
慕容虎僭位
四十九年
既僭位十五
年
僭號元平
光壽凡十一
年

女十萬盈宮之語嘗升凌霄觀望之笑曰我家父子如是自非天崩地陷亦復何愁但須抱子弄孫日為樂耳尋死子世嗣兄遵弒之弟鑿弒遵自立石祗又僭帝於襄國先亡冉閔弒鑿并盡殺石種而自立改號魏為慕容儁所滅燕慕容氏鮮卑也前燕始慕容廆遷邑於遼東自稱大單于張華見之嘆為命世器大興四年封遼東郡公子既嗣稱燕王遷龍城子儁嗣僭稱帝據鄴一久夢石季龍齧其臂寤而惡之命發其墓剖棺出尸踢而罵之曰死胡乃敢夢生天子尋死子暉嗣為苻堅所

暉僭號建熙
凡十一年
苻洪僭位一
年
健僭號皇始
凡四年
生僭號壽光
凡二年
堅僭號永興
甘露建元凡
廿八年
丕僭號太安
凡一年

滅前秦蒲洪氏也石虎之將永和六年以草付之讖改姓苻自稱三秦王子健嗣僭稱帝據長安子生止一且童時洪戲之曰吾聞瞎兒一淚信乎侍者曰然生怒輒引佩刀自刺出血曰此亦一淚也洪大驚既嗣位嗜殺無厭有諫之者則曰野獸饑則食人飽當自止天豈不愛人正以百姓犯罪不已故助朕專殺而施刑教耳但勿犯罪何怨天尤人未幾苻堅弒之自立信任王猛削平諸國大舉寇晉敗於淝水歸長安為慕容沖所攻奔五將山姚萇弒之子丕僭帝於晉陽馮該殺之苻登僭

登僭號太初
凡八年
崇僭號延初
凡一年
姚苞僭號白
雀建初凡十
年
興僭號皇初
引始凡廿二
年
御僭號永和
凡二年
李特僭號建
初凡一年
雄僭號建興
景平玉衡凡

帝於隴東姚興殺之苻崇又僭帝於湟中為乞伏乾歸
所滅後秦姚弋仲羌也永和七年封高陵郡公子襄自
稱大單于據許昌為桓溫所敗即為苻堅所殺弟苻仕
堅為龍驤將軍及襄死懼奔渭北自稱秦王太元十年
弒堅據長安僭稱帝一夕夢堅率鬼兵刺之出血數斗
寤而驚悸遂患陰腫刺之出血如夢苻萇乃狂言殺陛下
者臣兄襄非臣也遂死子興嗣泐繼之為劉裕所滅蜀
李特巴西氏也永甯元年自稱益州牧子流嗣兄雄繼
之稱成都王尋僭稱帝國號成報張駿書曰吾過為士

三十二年
期僭號玉恆
凡三年
義僭號漢明
凡五年
芬僭號太和
嘉甯凡四年
張軌十二年
諡武公
寔六年諡昭
公
茂五年諡成
公

大夫所推然本無心於帝王也按秦始皇時有長人長
五丈見宥渠秦史胡毋敬曰五白年其地必有異人為
大人者雄之稱尊號其先出自宥渠誠者皆以為應之
雄死兄子斑嗣李越弒之而立李期李壽弒之而自立
改號漢子勢嗣為桓溫所滅前涼張軌安定夷也任晉
為征西軍司永甯元年以王室多難陰圖保據河西道
竇融故事乃求為涼州刺史尋封樂鄉侯大城姑臧名
臥龍城又封西平郡公不受進拜太尉涼州牧子寔嗣
弟茂繼之臨終囑姪駿曰我家世世忠順汝其勉之駿

駿廿二年諡
文公
重華九年諡
昭公
曜靈二月
祚僭號和平
凡一年
元觀九年諡
沖公
天錫十二年
呂光僭號太
安麟嘉龍飛
凡十三年
紹僭位一年
景帝號咸寧
凡二年
隆僭號神鼎
凡二年

立有勸稱涼王者不聽于重華嗣曜靈繼之兄祚篡焉
自稱涼王張瑁等攻殺之而立元觀其叔天錫又弑元
觀而自立為苻堅所滅後涼呂光略陽氏也苻堅之臣
太元十三年自稱天王據姑臧傳位於子紹僭稱太上
皇紹又讓位於庶兄纂沉涵無度呂超弑之而立呂隆
為姚興所滅南涼禿髮烏孤鮮卑別種也呂光之臣隆
安元年自稱西平王據廣武弟利鹿孤嗣稱河西王僭
檀利繼之先稱涼王以姚興勢盛乃去年號獻歛興使
韋宗詣其鎮觀釁禳檀與宗縱談機變無窮辭致清辨

烏孤僭號太
和凡三年
利鹿孤僭號
建和凡二年
侯檀僭號引
昌嘉平凡十
三年
段業僭號神
聖天璽凡四
年
蒙遜僭號永
安元始承元
凡二十三年
牧健僭號永
和凡六年
李嵩僭號庚
子建初凡十
三年

宗出而嘆曰命世大才經綸名教者不必華宏夏士撥
煩埋醜澄氣濟世者亦不必八索九詔五經之外冠冕
之表信自有人也宗還語興興謂羣臣無侮檀敵尋復
稱王為乞伏熾磐所滅北涼沮渠蒙遜盧水胡也亦呂
光之臣隆安元年起兵推段業為涼州牧尋弑之遷姑
臧自稱西河王子牧健嗣為拓跋燾所滅西涼李嵩隴
西人也段業之臣隆安四年自稱涼公據燉煌酒泉子
歆嗣弟恂繼之為沮渠蒙遜所滅後燕慕容垂孫子也
初封吳玉以車騎大將軍敗桓溫於枋頭威名大震為

歆僭號嘉興
凡九年

恂僭號永建
凡二年

慕容垂僭號
建興凡十二年

睿僭號永康
凡二年

盛僭號建平
長樂凡三年

熙僭號光始
凡六年

高雲僭號正
始凡二年

慕容冲僭號
更始凡一年

慕容評所忌出奔。臣於苻堅。太元九年。苻丕敗。垂遂僭
帝於中山。于寶嗣。出奔。慕容評亦僭帝於中山。慕容麟
弑之。自立。魏人攻之。而麟出奔。蘭汗弑寶。稱昌黎王。慕
容盛殺之。自立。盛又遇弑。而立垂子。熙寵妃苻氏苻死
悲號躑躅。若喪考妣。大殮。詔復啟其棺。與交接。制百寮
哭臨。令有司檢察哭者。有淚。以為忠孝。無則罪之。已而
徒跣送葬。馮跋閉城。拒而弑之。高雲篡焉。跋又殺雲。自
立。為北燕。則義熙五年也。跋始其弟。弑跋于翼。而自
立。為拓跋燾。所滅。西燕慕容冲亦皝子也。太元十年。僭

永僭號中興
凡九年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

慕容德僭號
建平凡五年

帝於阿房。刑罰失中。頓遭韓延之。弑。推段。隨為燕王。慕
容永殺之。自立。徙上黨。為慕容垂所滅。南燕慕容德亦
皝子也。隆安二年。稱燕王。亦僭稱帝。據廣固。嘗燕集羣
臣。酣笑曰。朕可方古何等。王鞠仲曰。陛下中興聖后。少
康光武之傳。德願左右。命貞仲。帛干。足。仲以多辭。德曰。
卿調朕。朕不調卿乎。卿飾對非實。朕故以虛言相賞。賞
不謬。加亦何足謝。由是讜言日進。尋死。為十餘棺。夜分
出。四門。潛瘞山谷。莫知其屍所在。兄子超嗣。暴虐無狀。
百姓苦之。一日臨軒。顧謂封孚曰。朕於百王。夫誰為比。

國仁僭號建
義凡三年
乾歸僭號太
初更始凡三
年
熾磐僭號永
康建和凡十
七年
秦末僭號永
和凡四年
勃勃僭號龍
昇鳳翔昌武
言興凡二十
年
昌僭號承光
凡一年
定僭號勝光
凡四年

對曰可方架紂起大慚怒乎巖然不為改容徐步而出
鞠仲失色謂孚曰與天子言何亢厲如是宜遣謝孚曰
年七十墓木已拱惟求死耳何謝為未幾為劉裕所滅
西秦乞伏國仁亦鮮卑也苻堅之臣太元十年自稱大
單于據金城弟乾歸謂稱秦玉遇弒而子熾磐嗣暮末
繼之為赫連定所滅夏勃勃亦匈奴也初事姚興義熙
三年稱天王於朔方曰朕方統一天下君臨萬邦新城
宜名統萬以赫連為姓僭稱帝置刀鑿之刑殺人無算
子昌嗣定繼之為拓跋燾所滅右十七國或稱十六
國者不數北燕也

附北魏

拓跋珪僭和
道正帝號登
國皇始天國
天賜凡廿三
年
爾僭稱明元
帝號永興神
瑞泰帝凡十
五年

北魏傳十三世計一百五十年始自拓跋珪黃帝之後
昌意少子受封北國有大鮮卑山因以為號傳至毛始
六十三世生詰汾敗遇天女與之相偶暮而復遇抱一
子授之曰此君子善視之子孫相承當世為帝王子即
力微也時有諺云詰汾皇帝無婦家力微皇帝無舅家
力微之後曰猗盧者晉懷帝時與劉琨結為兄弟表封
代公至愍帝時進為王六傳至什翼犍生而奇偉有大
度國少繒帛代人許謙盜絹二疋守者以告令匿之曰

恭僭稱簡閔
帝號普泰凡
一年

一暉僭號建
明凡二月

明僭稱廢帝
號中興凡六
月

修僭稱孝武
帝號太昌永
熙凡三年

暉立未踰年亦為世隆所廢而弘之孫恭少有智度以
元又擅寵託病絕言垂一紀居龍華佛寺無所交通子
攸死世隆謀立之恐實不語乃令所親申意恭勃曰天
何言哉世隆大悅遂立之尋為高歡所廢既廢為賦詩
曰朱門久可患紫極非倩翫顛覆立可待一年三易換
時運正如此惟有修直觀未幾被弑即即位信都尋以
疎遠遜之高歡歡立宏之孫修在位三年銳然有撥亂
之心奈高歡迫逼奔入長安依宇文泰自是魏土裂而
為二不可復合矣

三國志

漢

諸葛亮

昭烈初見亮屏人請曰漢室傾頽羣雄竊命孤不自揣
欲伸大義於天下而智術短淺遂用猖獗今計將安出
亮答曰曹操擁百萬眾挾天子以令諸侯此誠不可與
爭鋒孫權據有江東已歷三世國險而民附賢能為之
用此可與為援而不可圖也荆州北據漢沔利盡南海
東連吳會西通巴蜀此用武之國而其主不能守此殆
天所以資將軍益州險塞沃野千里高祖因之以成帝
業而劉璋闇弱知能之上思得明君將軍既帝室之胄
信義著於四海若跨有荆益保其嚴阻西和諸戎南撫
夷越東結孫權而徐觀變於天下霸業可成漢室可興
也亮事昭烈一生只此數語昭烈奔江夏亮奉命求
救於孫權權時擁兵柴桑意觀望亮入見知權不可說
而可激乃進曰本與曹操並爭天下者將軍與劉豫州
也今操遂破荆州威震四海英雄無所用武故豫州遁

逃至此將軍量力而處之若能與中國抗衡即宜早與
之絕若不能蓋北面而事之權怒曰如君言劉豫州何
不遂事之亮曰田橫齊壯士耳猶守義不辱况豫州帝
室之胄英才蓋世安能為之下權勃然曰吾不能舉全
吳之地受制於人吾計決矣顧豫州新敗之后安能抗
此難亮因曰曹兵遠來疲弊聞追豫州一日一夜行三
百餘里此所謂強弩之末勢不能穿魯縞者也且北人
不習水戰將軍誠命猛將將兵數萬而豫州精甲尚可
萬人合力規之破操必矣操破而荆吳勢強鼎足之形
成矣成敗之機決在今日權大悅遂召周瑜等定計敗
曹兵於赤壁

關羽

下邳之役曹操獲羽以歸拜偏將軍禮待甚厚羽時心
在昭烈無留意而以其厚遇誓立効報操會袁紹攻劉
延於白馬遣其大將顏良聲勢甚盛操使羽擊之羽望
見良麾蓋策馬直刺良於萬眾之中斬其首還報操知
羽且去重加賞賜羽乃盡封其前後勳賜拜書告辭而
奔陷烈左右欲追之操曰此義人彼各為其主弗追也

羽性剛傲上不肯為士大夫下昭烈既定益馬超來
降超才武雄傑羽亦聞其名而羽時守荊州未識超乃
書問孔明超人才可誰比孔明答書曰孟起兼資文武
雄烈過人自是驍彭之侶當與翼德並驅爭先然未及
髯之絕倫逸羣也羽美鬚髯故亮謂之髯羽省書大悅
以示賓客

張飛

曹操追昭烈及於當陽之長阪時操兵數十萬而昭烈
使飛將二十騎為斷後也飛曰身是張翼德也可來共決死敵卒無敢近者
昭烈以是得脫益州之役昭烈遣飛以偏師泝流而
上時巴郡太守嚴顏拒守飛與戰生擒之呵顏曰大軍
至何不降顏答曰此中但有斷頭將軍無降將軍也飛
怒令左右斫頭顏色不變曰斫頭便斫頭何怒耶飛壯
而釋之引為上客竟以顏檄下郡縣數十

趙雲

曹兵追至當陽昭烈棄妻子走雲時身抱弱子即後主
也又保護甘夫人且戰且走皆得脫後在漢中雲偶將

數十騎出營輕行而適值操揚兵大至雲勢逼遂前直
突其陳操兵散復合雲亦陷陳復出曹兵追及營張翼
欲閉營堅守雲反令大開營門偃旗息鼓操疑雲有伏
且引去雲輒搥鼓震地以連弩從後追射曹兵驚遁墮
漢水死者無算昭烈明旦自來視戰處嘆曰子龍一身
都是膽也

龐統

穎川司馬徽有人倫鑒嘗謂統曰南州士當以子為冠
冕昭烈在荆州統時令耒陽不治免官魯肅遺昭烈書
曰龐士元非百里才使處治中別駕之任始可展其驥
足耳諸葛亮亦言之昭烈遂與談大賞異待之亞於亮

法正

正多陰謀善設奇制變昭烈取益州定漢中皆正力也
既蒙委任外統都畿內參帷幄一察之德睡毗之怨無
不報復擅殺毀傷已者數人或謂孔明曰法正太橫宜
啟主公少加裁抑孔明曰主公之在公安也北畏曹操
之強東憚孫權之逼闔房用腋又懼孫夫人生變此時
進退狼跋而孝直輔翼其間能令主公翩然翱翔如鴻

翼之不可縲縛奈何欲禁孝直使不得行其志耶後昭
烈號亭敗績正時已卒亮嘆曰法孝直若在必能禁
上東行就東行必不傾危矣蓋亮與正趨尚各異而
以公義相取

簡雍

蜀中大旱禁釀酒甚嚴索得釀具令與作酒者並罰一
日昭烈出游雍從道見一男女同行謂昭烈曰彼人欲
行淫何不縛曰卿何以知之雍對曰彼有淫具與釀具
同昭烈大笑因原欲釀者

秦宓

宓有才辯吳使張溫來聘百官皆集宓獨后至溫顧孔
明曰彼何人也曰學士秦宓溫因問曰君學乎宓曰蜀
中五尺童子皆學何必吾溫乃問曰天有頭乎宓曰有
曰在何方曰在西方詩曰乃眷西顧又曰天有耳乎曰
有天處高而聽卑詩云鶴鳴九臯聲聞於天曰天有足
乎曰有詩云天步艱難非足何步曰天有姓乎曰有姓
劉曰何以知之曰天子姓劉時應得如響一坐嘆異

譙周

周家貧未嘗問產業。孰古嗜學。對典籍。恆忻然獨笑。忘其寢食。頗曉天文。而不為深言。時軍旅數出。百姓凋敝。作仇國論。以刺當事者。鄧艾兵既入陰平。君臣驚愕。或謂當奔吳。或謂走南中。周曰。自古未有寄他國為天子者。今若入吳。必須臣服。然他日之吳。即今日之蜀。再辱之恥。孰與一辱。且欲奔南。必須早計。今大敵在前。恐發足之日。變且不測。何至南之有。

魏

曹操

操沛國譙人。桓帝時。曹騰為中常侍。封費亭侯。養子嵩。莫知生出本末。或曰。夏侯氏之子。嵩生操。字孟德。小字阿瞞。靈帝時。為典軍校尉。起兵討卓。後劫獻帝。都許。自為大將軍。封武平侯。建安十五年。操下令曰。孤始舉孝廉。年少。自以本非巖穴知名之士。恐為海內人之所見。凡愚欲為一郡守。好作政教。以建立名譽。使世士明知之。故在濟南。始除殘去穢。平心選舉。遠近諸常侍。以為強豪所忿。恐致家禍。故以病還。去官之後。年紀尚少。願視同歲中。年有五十。未名為老。內自圖之。從此卻去。

二十年待天下清。乃與同歲中始舉者等耳。故以四時歸鄉里。於譙東五十里築精舍。欲秋夏讀書。冬春射獵。求底下之地。欲以泥水自蔽。絕賓客往來之望。然不能得如意。後徵為都尉。遷典軍校尉。意遂更欲為國家討賊立功。欲望封侯。作征西將軍。然後題墓道。言漢故征西將軍曹侯之墓。此其志也。而遭值董卓之難。與舉義兵。是時合兵能多。得耳。然常自損。不欲多之。所以然者。兵多意盛。與強敵爭。倘更為禍始。故汴水之戰。數千。後還到揚州。更募亦復不過三千人。此其本志有限也。後領兗州。破降黃巾三十萬眾。又袁術僭號於九江。下皆稱臣。名門曰建號。門衣被皆為天子之制。兩婦預爭為皇后。志計已定。人有勸術使遂即帝位。露布天下。答言曹公尚在。未可也。後孤討擒其四將。獲其人眾。遂使術窮亡。解沮。發病而死。及至袁紹據河北。兵勢強盛。孤自度勢實不敵之。但計投死為國。以義滅身。足垂於後。幸而破紹。梟其二子。又劉表自以為宗室。包藏奸心。乍前乍卻。以觀世事。據又荊州。孤復定之。遂平天下。身為宰相。人臣之貴已極。意望已過矣。今孤言此。若為自大。欲

人言盡故無諱耳。設使國家無有孤，不知當幾人稱帝。幾人稱王，或者人見孤強盛，又性不信天命之事，恐私心相評，言有不遜之志，妄相忖度，每用耿耿，齊桓晉文所以垂稱至今日者，以其兵勢廣大，猶能奉事周室也。論語云：三分天下有其二，以服事殷，周之德，其可謂至德矣。夫能以大事小也。昔樂毅走趙，趙王欲與之圖燕，樂毅伏而垂涕，對曰：臣事昭王，猶事大王，臣若獲戾，放逐他國，沒世然後已，不忍謀趙之徒隸，況燕後嗣乎。胡亥之殺蒙恬也，恬曰：自吾先人及至子孫，積信於秦三世矣。今臣將兵三十餘萬，其勢足背叛，然自知必死而守義者，不敢辱先人之教，以忘先王也。孤每讀此二人書，未嘗不愴然流涕也。孤祖父以至孤身，皆當親重之任，可謂見信者矣。以及子植兄弟，過於三世矣。孤非獨對諸君說此也，常以語妻妾，皆令深知此意。孤謂之言，顧我萬年之後，汝曹皆當出嫁，欲令傳道我心，使他人皆知之。孤此言，皆肝鬲之要也。所以勤勤懇懇，絞心腹者，見周公金縢之書，以自明，恐人信之故。然欲使孤便爾委捐所典兵衆，以還執事，歸就武平侯國，實不

可也。何者？誠恐已離兵爲人所禍也。既爲子孫計，又已敗，則國家傾危，是以不得慕虛名而處實禍。此所不得爲也。前朝恩封三子爲侯，固辭不受。今更欲受之，非欲復以爲榮，欲以爲外援，爲萬安計。孤聞介推之避晉，封申胥之逃楚，賞未嘗不舍書而嘆，有以自省也。奉國威靈，仗鉞征伐，推弱以克強，處小而禽大，意之所圖，動無違事。心之所慮，何向不濟，遂蕩平天下，不辱主命，可謂天助漢室，非人力也。然封兼四縣，食戶三萬，何德堪之。江湖未靜，不可讓位。至於邑二可得而辭，今上還陽夏、柘、三縣，戶二萬，但食武平萬戶，且以分損，謗議少減。孤之責也。十九年，封魏公，加九錫，尋進位諸侯。王上孫權稱臣於操，侍中陳羣等皆勸進，操曰：若天命在吾，吾爲周文王矣。廿五年薨。

曹丕

不作壽陵制口，昔堯葬穀林，通樹之，禹葬會稽，農不易畝，葬山林，則合乎山林，封樹非古也。壽陵其因山爲體，毋封樹，毋立寢殿園邑，夫葬藏也，欲人不得見也，骨無

痛痒之知家非棟社之宅吾欲使易代之後不知其處
毋藏金銀毋施珠玉漢代諸陵無不發掘至燒取玉匣
金縷骸骨并盡是焚如之刑也死而重死豈不痛哉其
以此詔藏之宗廟副在尚書秘書三府

曹彰

彰封任城王負絕力手格猛獸意氣慷慨父操嘗抑之
曰汝不讀書慕道而好擊劍馳馬此一夫之用何足貴
彰對曰丈夫當為衛霍將十萬騎橫行沙漠乃作博士
耶操嘗令諸子言志彰曰願為將操曰為將奈何對曰
披堅執銳為士卒先賞必信罰必果操大笑嘗從征烏
桓乘勝逐北諸將請曰受節度不得過代彰曰大將行
間惟利所在何節度為徑上馬令軍中後出者斬一日
夜追及虜桑乾大破之已去代二百里後歸報操持彰
鬚曰黃鬚兒竟大奇

曹植

植封陳思王字子建年十歲輒誦讀詩論詞賦數十萬
言善屬文父操嘗視其文曰汝倩人耶對曰言出為論
下筆成章奈何倩人時銅爵臺新成操使諸子登臺各

為賦植援筆立就詞致瞻美操奇賞之植性簡易不治
威儀不為鮮衣怒馬嘗登魚山臨東阿嘔然有終焉之
心遂營墓其地卒年四十一所著詩賦銘頌雜論凡百
餘篇

荀攸

曹操議征劉表會袁譚與尚爭冀州遣人乞降請救操
以問羣臣羣臣皆謂表強宜先平譚尚不足憂也攸獨
曰天下方有事而劉表坐保江漢之閒其無四方志可
知矣袁氏據四州帶甲十萬而紹復以寬厚得眾借使
二子和睦以守其成業天下之難未息也今兄弟構惡
勢不兩全及其亂而取之天下定矣此時不可失也公
從之救譚而擊尚尚破尋滅譚冀遂平公與攸每密謀
帷幄其所言即于弟莫有知者

賈詡

曹操晚年儲位未定不植各樹黨而操莫決一日屏左
右商之詡詡默然良久不對操曰與卿言不答何也詡
曰屬有所思故不即對操曰何思詡曰思袁本初劉景
升父子耳操大笑於是儲位遂定

華歆

歆與管甯邴原同遊學三人雅相善時人號為一龍歆龍頭原龍腹甯龍尾西京之亂歆與同志六七人出武關道遇一丈夫獨行願與俱眾欲許之歆獨曰不可今在危險中既受之脫有進退得中棄乎眾卒與俱至中道丈夫忽墮井眾皆欲棄去歆曰業與俱矣棄之不義乃相率共引出之

劉曄

曹操既克張魯定漢中曄進說曰明公將步卒五千誅董卓北破緜南征表九州百郡十并其八威震天下今又舉漢中對人膽破矣劉備人傑也有度而遲得蜀日淺蜀人未附今若乘勝直前其勢必自傾以公神威因其傾而壓之可傳檄定也若少緩之諸葛亮明於治而為相關羽張飛勇冠三軍而為將蜀民既定據險守要不可犯矣公不從後有從蜀中來者言蜀人初不附境內一日數驚盡如曄所策

張遼

合肥之戰遼先登陷陳連斬二將大呼已名直衝突至

權麾下權大驚急登高冢以長戟自守已望見遼兵少圍之數重遼直前急擊圍為之開出而復入盡引其眾俱出是役也遼以步卒八百破敵十萬不嘗與侍臣嘆息曰此古之舍虎

許褚

潼關之役曹操與韓遂單馬會語獨褚從時馬趨陰欲劫操而疑從騎是褚因問曰聞公有虎侯者在操指褚示之趨不敢動蓋軍中以褚方虎而癡號曰癡虎故趨問虎侯也

徐邈

邈字景山性嗜酒魏國初建酒禁甚嚴邈時為尚書秋飲至沉醉校事趙達問以曹事邈對曰中聖人達以白曹操操大怒蓋醉醉客謂酒清者為聖人濁者為賢人也不踐祥邈累爵關內侯不一日問邈曰近頗中聖人不對曰昔子反斃於穀陽御叔罰於飲酒臣嗜同二子不能自懲時復中之然宿瘤以醜見傳而臣以醉見識不大笑顧左右曰名不虛立

鄧艾

艾之伐蜀也。姜維戰敗，還守劍閣。鍾會攻之，不能克。艾上言：敵旣摧折，宜遂乘之。當從陰平邪徑，經漢德陽亭，趨涪，出劍閣西百里，去成都三百餘里，奇兵擣其腹心，則劍閣之守必還。赴涪，會可方軌而進。若劍閣之軍不還，則應涪之兵必寡。兵法曰：攻其不備，掩其空虛。破之必矣。艾遂自陰平道行，無人之地，七百里，鑿山開徑，造作橋閣，山高谷深，至以氊自裹，推轉而下。將士皆攀木緣崖，魚貫而進。先登至江冲，蜀人驚惶失措，望風奔潰。後主遂降。

吳

孫堅

堅，吳郡富春人，少爲縣吏，以討黃巾賊封烏程侯。後以長沙太守起兵討卓，爲破虜將軍。初平三年，討劉表，爲表將黃祖射殺。時年三十七。初，張溫以詔書召董卓，卓良久至，而詞對頗傲。堅前耳語溫曰：卓負大罪而敢鳴張大語，宜以名不時至，按軍法斬之。溫有難色，堅曰：古之名將，仗鉞臨戎，未有不斬。示威者，是以穰苴斬莊賈，魏絳慘揚干。今明公親率天兵，威震天下，而不忍於

一罪人，恐卓一旦得志，明公非其敵也。溫卒不果。卓遂橫論者，謂堅語若用，賢於十萬兵。

孫策

策字伯符，十餘歲時，卽喜交結，知名士與舒人周瑜相友。善瑜策同年，義重斷金，嘗從袁術，術與語知其奇，嘆曰：使術有子如孫郎，死復何恨？父堅沒，時年才十八，率衆五六千渡江，轉鬪破劉繇，擒黃祖，斬嚴白虎，遂併江東。所向無前，莫敢當其鋒者。然以性佻躁，爲許貢客所刺，創甚，乃呼弟權，佩以印綬，謂曰：舉江東之衆，決機兩陣之間，爭衡天下，卿不如我，舉賢任能，各盡其心，以保江東。我不如卿，遂卒。時年二十六。

孫權

濡須之役，曹操堅壁不出，權自乘輕舟，從濡須口入曹軍，諸將皆曰：此挑戰者，欲擊之。操曰：此必孫權自來，欲觀吾軍部伍也。飭軍中精嚴弓弩，以待權。行迴環五六里，輒作鼓吹，還操望其樓櫓器械，精明整肅，喟然嘆曰：生子當如孫仲謀。劉景升兒子，豚犬耳。權時移箋於操，曰：春水方生，公宜速去。又云：如公不死，吾何得安。操墮

畢笑語諸將曰孫權不欺吾也遂還軍 昭烈伐吳吳使趙咨稱臣於魏魏主不問曰吳王何等主也咨曰聰明仁智雄略之主也不問其狀咨曰納魯肅於論議是其聰也拔呂蒙於行陣是其明也獲于禁而不殺是其仁也取荆州而兵不血刃是其智也據三州虎視天下是其雄也屈身於陛下是其略也又問吳主學乎咨曰王任賢使能志存經略雅有餘閒博覽羣籍探異探奇不效書生尋章摘句而已不曰吳如大夫者幾人咨曰聰明特達者八九十人如臣之比車載斗量不可勝數

孫休 休時戎將於廣陵發一大家內有重閣戶樞可開閉四周徽道可通車馬鑄銅人數十長五尺皆大冠朱衣執劍侍立或刻殿中將軍或刻侍郎常侍破棺棺中雲母厚尺許以白璧三十枚藉尸有一玉長尺許形如冬瓜從尸懷中透出兩耳及鼻孔皆有黃金如棗許大尸面體如生人蓋骸骨假金石以不朽此其驗云

立終日為司過之吏宴罷乃各奏其闕失在視之咎謬言之愆罔有不舉小者黜責大者加刑焉 皓降晉至洛陽封歸命侯先有術士尚廣筮庚子歲青蓋當入洛陽至是果驗

諸葛瑾 瑾字子瑜性醇篤嘗奉使入蜀弟亮仕昭烈瑾與亮公會相見而退無私言昭烈伐吳使瑾詣白帝求和時吳人震怒有言瑾別遣私人與備通者權曰孤與子瑜有生死不易之誓子瑜之不負孤猶孤之不負子瑜也瑾面長似驢權嘗大會羣臣使人牽一驢入題其面曰諸葛子瑜其子恪跪曰乞請筆益二字因舉筆續下月之驢台坐大笑

周瑜 瑜字公瑾嘗從策攻皖拔之得喬公二女皆國色也策自納大喬而令瑜納小喬瑜與策丰神凝遠其美姿貌吳人皆呼策為孫郎呼瑜為周郎瑜精音律雖三爵之後有關誤瑜必知之知之必顧時人為之語曰曲有誤周郎顧 赤壁之役操兵時在江北瑜在南岸瑜步將

黃蓋進曰寇眾我寡難與爭衡然操軍船艤並首尾連
接可燒而走也瑜遂取巨艦數十實以薪草灌膏油其
中裹以帷幕上建牙旗蓋先以書報曹軍詐稱降又預
備走綱繫大船後引次俱發曹軍皆延頸望指言蓋降
及至舟火齊發風復迅猛乘勢延燒操舟俱連欲解不
得頃之煙燄障天八馬燒溺死者無算曹兵大敗遂退
保南郡瑜方為權規取益州而道病巴邱遂卒年僅
三十六

魯肅

肅字子敬家富好施時周瑜為居巢長遂與定僑札之
分迎肅老母到吳與俱見權權一見與語大悅肅之
初見權也賓客滿坐容罷肅亦起辭權乃獨引肅還合
榻對飲因密請曰漢室傾危四方雲擾孤不自揣竊希
桓文之略君何以教之肅對曰昔高帝區區欲尊義帝
而不得者以項羽為害耳今之曹操猶昔之項羽將軍
何由得為桓文乎肅竊料之漢室不可復興曹操不可
卒除惟有鼎足江東以觀天下之變何者北方誠多務
也因具多務勦除黃祖進伐劉表竟長江所據而有

之然後建號帝王以圖天下此高帝之業也

甘肅

肅嘗禦曹操於濡須受命劫營乃精簡百餘人二更時
各銜枚入斫壘敵大驚及敵營鼓噪舉火如星則肅已
還矣是役也曹軍號四十萬而肅以百餘人突入如無
人然及還作鼓吹稱萬歲權喜曰此足驚駭老子否

呂蒙

蒙年十五六時嘗竊從其姊夫鄧富出擊賊富歸告其
母母怒蒙曰貧賤難居脫誤有功富貴可致且不探虎
穴安得虎子時當吏以蒙年少輕之蒙大怒引刀竟殺
吏孫策聞而奇之名著別部司馬已隨周瑜戰曹仁於
夷陵蒙計以柴柵其險道仁敗遇柴騎不得過獲其馬
三百疋後魯肅代周瑜肅意尚輕蒙及與語大奇之酒
酣拊其背曰呂子明吾不知卿才略乃爾

陸遜

遜故沈慮籌無不中嘗謂諸葛恪曰在吾前者吾必奉
之同升在吾下者吾必扶持之君今氣陵其上意蔑乎
下恐非安德之基格不聽卒見殺

王祥

祥少有至性繼母朱氏妬每使掃除牛下祥孝事愈恭母嗜魚鮮會冰凍不可得祥解衣將剖冰求之冰忽自解雙鯉躍出母又思黃雀炙復有雀數十飛入其幙遂取以奉母家有丹柰結實母命守之每風雨祥輒抱樹泣其純孝篤至至今傳之

王覽

覽祥異母弟數歲時見祥被母楚輒涕泣抱持甫成童每諫其母母虐為之稍減母屢以非禮使祥覽輒自與俱又虐使祥婦覽婦輒趨與俱母患之為止祥漸有時譽母深疾之密酖祥覽覺徑起取酒祥疑有毒爭不與母遽奪反之地自後母賜祥饌覽輒先嘗母計遂不得行覽六子俱顯其後奕世多賢者著姓江左導卽其孫也

賈充

充後吳嘗屯軍項城忽失充所在時帳下督周勣方晝

寢見百餘人錄充引入一徑驚覺急出從夢中徑道往索之見充行至一府舍待衛甚嚴府公南面坐聲色俱厲謂充曰亂吾家事者爾與荀勣也既惑吾子又亂吾孫開使任愷黜汝而不去又使庾純詈汝而不改今吳寇當平汝又將表斬張華矣汝所以延日月享名位者是衛府之勳終當使系嗣死於鍾虜之間犬子斃於金酒之中小子困於枯木之下苟勣亦宜同之但其先德稍濃故報在汝後耳言畢吐去充忽忽歸營顏色憔悴經日始復蘇帝未充嗣子謚遣趙主倫之難果斬於鐘下賈后服金酒死賈午竟用大杖終蓋充止二女俱淫敗嗣子謚卽女夫韓壽子也

山濤

濤嗜飲能至八斗方醉上聞試之飲以八斗而密益其酒極本量而止濤子簡知世不可為亦惟酒是醜習氏有佳園池簡每出遊必之池上置酒輒醉名之日高陽池時有童兒歌曰山公出何許往至高陽池日夕倒載歸醜酣無所知時時能騎馬倒着白接籬舉鞭向葛疆何如并州兒疆簡愛將也家在并州故云

阮籍

籍嘗遊蘇門山遇孫登與商略終百及棲神導氣之術登皆不應籍長嘯而退至半嶺忽有聲響振巖谷若鸞鳳之音乃登嘯也於是歸著大人先生傳其略云不睹羣蠶之處裨中乎逃乎深縫匿乎敗絮自以為吉兆也行不敢離縫際動不敢出裨褶自以為得繩墨也然炎跡火流焦邑滅都羣蠶處乎裨中而不能越也君子之處域內何異蠶之處裨中乎此亦藉之本趣也

嵇康

康初嘗遊洛西暮宿華陽亭引琴而彈夜分忽有客詣之稱是古人共康談音律因索琴彈之而為廣陵散聲謂絕世遂以授康仍誓勿傳人亦不言其姓氏後坐呂安獄將刑東市顧視日影索琴彈之曰昔袁孝尼嘗從吾學廣陵散吾靳勿與廣陵散於今絕矣

劉伶

伶字伯倫放情肆志不可一世惟與阮籍嵇康遊欣然神解攜手入林嘗乘鹿車攜酒一壺使人荷鍤隨之曰死便埋我妻懼其中酒每捐酒毀器涕泣而諫謂非攝

生之道伶曰善當祝鬼神自誓耳便可具酒肉妻從之伶跪祝曰天生劉伶以酒為名一飲一斛五斗解醒婦兒之言慎不可聽遂飲酒御內隗然復醉常因醉與俗人忤其人攘袂奮拳伶徐曰雞肋不可以安尊拳其人笑而止

御詵

秦始皇中詔舉賢良對策為天下第一猶桂林之一枝崑山之片玉帝笑

東哲

太康二年汲郡人盜發魏襄王家一言安釐王家得竹書數十車其紀年十三篇記夏以來至周幽王為犬戎所滅以事接之三家分仍述魏事至安釐王二十年其中經傳大異則曰夏年多殷益于啓位啓殺之太甲殺伊尹太丁殺季歷自周受命至穆王百年非穆王壽百歲也幽王既亡有共伯和者攝行天子事非二相共和也易經二篇與周易同易繇陰陽卦二篇與周易略同而繇辭則異卦下易經一篇似說卦而異公孫段二篇

晉書

三十九

繇

公孫段與邵陟論易國語三篇言楚晉事名三篇似禮記又似爾雅論語師春一篇書左傳諸卜筮師春似造書者姓名也瑣語十一篇諸國卜夢妖怪相書也梁邱藏一篇先敘魏之世數次言邱藏金玉事繳喜二篇論弋射法生封一篇帝王所封大歷二篇鄒子談天類也穆天子傳五篇言周穆王遊行四海見帝臺西王母圖詩一篇畫贊之屬也又雜書十九篇周食田法周書論楚事周穆王美人盛姬死事六凡七十五篇七篇簡書折壞不識名題冢中又得銅劍一枚長二尺五寸漆書皆科斗字初發冢者燒策以照取寶物故多燼簡斷札殘缺不復詮次武帝以其書付祕書校綴次第尋考指歸而以今文寫之昔時在著作得縱觀竹書隨宜分釋皆有義證

陸機陸雲

機字士衡雲字士龍兄弟齊名號曰二陸吳亡入洛張華重之曰伐吳之役刊獲二俊後孫秀兵至機釋戎服著白帽與秀相見神色自若已而嘆曰華亭鶴唳可得復聞乎遂與弟雲同遇害是日昏霧晝合大風折木平

地雪深尺餘人以為陸氏之寃也

阮脩

脩字宣子性簡任不涉人事尤不喜見俗人遇便舍去意有所思率爾寒裳不避晨夕及至或又無言但欣然相對耳恆步行以百錢掛杖頭至酒店便陶然酣啗而家無擔石之儲年四十餘未有室王敦等與敏錢為婚皆名士也時慕之者求入錢而不得

患賈后

后醜妬而短黑淫縱彰徹內外洛陽盜尉部一小吏美容止故給廝役乃忽有非常衣飾眾疑其竊也盜尉訊之小吏云向逢一老嫗說家有病人下云宜得城南少年厭之暫相煩當重報於是隨去上車下帷內籠箱中行可十餘里過六七門限開箱忽見樓闕壯麗問此是何處云是天上即以香湯見浴好衣美食將入見一婦人年可三十五六形短青黑色眉後有疵見留數夕共寢歡甚臨出贈此時聽者有賈后親屬在知是后慚笑而出他人入者多死惟此小吏以后愛故全后女臨海公主洛陽之亂為人所略傳賈吳興錢溫溫以送女女

遇主甚酷亦其報云

嵇紹

蕩陰之敗天子蒙塵百官侍衛莫不散潰惟侍中嵇紹
儼然端冕以身捍帝帝值兵交御輦飛矢雨集紹遂被害
於帝側血濺御衣帝痛惜之及事定左右請洗帝曰此
嵇侍中血也戒勿浣後東海王越過紹墓為哭之慟刊
石立碑紹初以祕書丞起家或謂王戎曰昨於府人
中始見嵇紹昂昂如野鶴之在雞羣戎謂曰君未見其
父耳裴頡嘗曰使延祖為吏部尚書可使天下無遺才
謂其有人倫鑒也紹嵇康子延祖其字

石崇

崇字季倫生青州小字齊奴父苞臨終分財諸子獨不
及崇母為請苞曰此兒後自能得任荆州刺史時劫遠
使客商致富不貲嘗與貴戚王愷奢靡相競愷以裕渙
金崇以蠟代薪愷作紫絲布步幃四十里崇作錦步幃
五十里崇塗屋以椒愷用赤石脂武帝每助愷以珊瑚
樹賜之高二尺許枝柯扶疎愷示崇崇竟以鐵如意碎
之愷大怒謂奴已寶崇曰無足多恨當還卿乃命左右

悉出其家珊瑚樹高三四尺者六七株條幹絕世光彩
耀日如愷比者甚眾愷慨然自失崇有別館在河陽
之金谷一名梓澤後房數百俱極佳麗之選一妓名綠
珠姿尤艷善吹笛孫秀使人求之崇盡出婢數十曰惟
君所擇綠珠不可得也使者三返竟不許秀怒勸趙王
倫誅崇介士到門崇謂綠珠曰今我為爾受罪綠珠泣
曰當効死於前因自投樓下死尋斬崇東市臨刑嘆曰
奴輩利吾財耳或詰曰知財為害何不早散之崇不能
答

張華

吳未滅時斗牛間常有紫氣吳平紫氣愈明華聞豫章
人雷煥精象緯乃要煥宿與登樓仰觀異氣華曰是何
祥也煥曰寶劍之精上徹於天耳華曰在何郡煥曰豫
章豐城即補煥為豐城令到縣掘獄入地四丈餘得石
函光怪非常中有雙劍一刻龍泉一刻太阿其夕斗牛
間氣遂不見煥乃取南昌西山北巖下土以拭劍光芒
豔發大盆盛水置劍其上視之者目炫焉遣使送一劍
并土與華留其一自佩或謂煥曰得兩送一張公可欺

晉書

四十一

乎煥曰本朝將亂張公當受其禍此劍以系張君墓樹
耳靈物終當化去不久留人間也華既得劍寶之常置
座側謂南昌士不如華陰赤土報煥書曰詳觀劍文乃
干將也莫邪何不至雖然天生神物終當合耳因取華
陰土一斤致煥煥以拭劍劍倍精明及華誅失劍所在
煥幸子華為州從官持劍行經延平津劍忽從腰間躍
出墮水使人沒水取之不得但見兩龍各長數丈蟠屈
有文沒者懼而出須臾光彩映水波浪驚沸華嘆曰先
君化去之言張公終合之論此其驗乎先是孫秀之亂
武庫火華懼變作列兵固守而後救火故累代之寶似
燬如孔子履漢高斬蛇劍王莽頭無有存者時見一劍
穿屋而飛莫知所由乃即張華所佩劍也人有得鳥
毛三丈以示張華華慘然曰此謂海鳧毛出則天下亂
也吳郡臨平岸崩出一石鼓槌之無聲帝以問華華曰
取蜀中桐材刻魚形以扣之則鳴如其言聲聞數里

潘岳

岳字安仁自少美丰姿嘗挾彈出洛陽道婦人遇之者
皆連手縈繞投之以果果遂滿車長而博學善屬詞所

上頌賦俱流麗宏雅為世傳頌而性輕躁趨利與石崇
等諂事賈謚謚二十四友岳為冠其母數謂之曰爾當
知足岳不省及被收入與母訣曰負阿母 初孫秀嘗
為小史給事岳岳數撻辱之秀脚忿及秀得志岳嘗遇
之省內謂秀曰猶憶曠昔周旋否秀答曰中心藏之何
日忘之岳自知不免及遇害時石崇先已在市岳後至
崇謂曰安仁卿亦復爾耶岳曰可謂白首同所歸先是
岳金谷詩有投分寄石友白首同所歸之句竟成詩讖

衛玠

玠字叔寶風神秀異祖權甚奇之總角時乘羊車入市
見者皆以為玉人其舅王濟每見玠輒嘆曰珠玉在側
覺我形穢又曰與玠遊迴若明珠在握朗然照人瑯邪
王澄有高名少所推服每聞玠言輒嘆息絕倒時人語
曰衛玠談道平子絕倒又云王家三子不如衛家一兒
謂澄及王元王濟也樂廣為玠婦翁議者謂婦翁冰清
女婿王潤玠入都都人士聞其姿容觀者如堵玠遂以
勞疾卒年僅二十七時人謂玠被看殺劉琰謝尚共論
中朝人士或問杜又可方衛洗馬不尚曰安得此其問

尚可容數人又云又膚清叔寶神清時論中興名士惟王承及玠為當時第一

佛圖澄

澄本天竺人永嘉四年來洛陽自云百餘歲嘗服氣自養能積日不食又能役使鬼神腹旁有一孔以絮塞之每夜讀書則拔絮孔中出光照於一室每平旦至流水側從腹旁孔中引出五臟六腑洗之訖還內腹中石季龍造大武殿既成圖畫自古聖賢忠臣孝子烈士貞女於壁忽一日皆變為胡狀旬餘頭盡縮入肩中惟冠髻髮髯微出季龍秘不洩澄時對之流涕遂造墓於鄴西還寺獨語曰得三年乎自答不得曰得二年乎一年乎百日一月乎皆自答不得遂無言而卒後有沙門從雍州來言見澄西入關季龍掘冢視之惟見一衣季龍曰石者我也葬我而去我將死矣明年季龍死

周訪

陶侃微時丁艱將葬家中忽失牛不知所在遇一老父謂曰前岡見一牛眠田疇中其地若葬位極人臣又指一山云此亦其次當世出二千石言訖不見侃因尋牛

得之葬其處以所指別山與周訪兩人後歷顯貴具如老父言

周顛

顛自幼神彩秀徹雖時輩親狎莫能媒也庾亮嘗謂之曰諸人咸以君方樂廣顛曰何乃刻畫無益唐突西子王導甚重顛嘗枕顛膝而捫其腹曰此中何所有答曰此中空洞無物然足容卿輩數百人導不以為忤又嘗於導坐傲然嘯咏導云卿欲希稽阮耶顛曰何敢近捨明公遠希稽阮

杜后

成帝后杜預曾孫女少有姿容長猶無齒以故求婚者屢中格自帝納采一夜齒盡生正位七年崩先是三吳女子忽相與簪白花望之如素柰傳言天公織女死為著服未幾后應之

劉殷

殷有至行嘗夢人謂曰西離下有粟寤而掘之得粟五十鐘銘曰七年粟百石賜孝子劉殷果食之七載始盡殷七子五子各授一經一子授太史公一子授漢書一

門之內七業俱興

千寶

寶博學多才嘗為著作郎其父有寵婢母甚妬之父亡母生納之墓中寶時年小不知也後十餘年母喪開墓而婢伏棺如生載歸經日因言其父嘗與飲食故不死嫁之生子寶兄嘗病氣絕積日不冷尋復蘇言天地間鬼神事如夢覺不自知死於是遂撰搜神記二十卷集古今神祇靈異諸變幻狀甚悉劉惔見之謂曰卿可謂鬼之董狐

顧愷之

愷之在殷仲堪府因假還仲堪特以布帆借之至破冢遭風大敗遺箋仲堪曰地名破冢真破冢而出行人安穩布帆無恙已還荆州人問會稽山水答曰千巖競秀萬壑爭流草木蒙籠若雲興霞蔚愷之重詣康四言詩因為之圖恆云手揮白日易日斷歸鴻難又嘗以一厨畫糊題其前以奇桓立皆其平日最珍惜者立發其厨後取畫而前緘題如舊還之給曰未開愷之見了無怪色直云妙畫通靈變化而去亦猶人之登仙嘗為敢

騎常侍與謝瞻連省每於月夜長吟瞻聞遙贊之愷之聞贊彌自力或瞻倦將眠故令人代已為贊愷之不覺也則竟至中旦

王羲之

羲之字逸少導從子郗鑒嘗使門生求女婿於導導令就東廂徧觀羣從門生歸報曰王氏諸少並佳然聞信至咸自矜持惟一人在東牀坦腹食若不聞也者鑒曰正此佳婿耳訪之乃羲之也遂以女妻之羲之雅好服食養性不樂京師初渡浙江有終焉之志會稽多佳山水名士咸居之羲之嘗偕其同好探棹許詢支遁等宴集山陰之蘭亭自為序以識其志序成或方之潘岳金谷詩序去官後與道士許邁為採藥遊恆不遠千里探名山泛滄海無所不劇每嘆曰吾當以樂死

謝安

安字安石甫四歲桓彝見而奇之曰此兒風神秀徹當不減王東海及總角神識沈敏器宇條鬯嘗詣王濛清言良久既去濛于修曰向客何如大人濛曰此客疊疊為來逼人寓居會稽與王羲之許詢支遁遊出則漁弋

入則言詠了無處世意嘗遊臨安山坐石室臨濬谷悠然嘆曰此亦伯夷何遠又嘗與孫綽等泛海風起浪湧同舟者並懼安吟嘯自若舟人以安為悅之也猶去不止風轉急安乃徐曰將何歸耶舟人始迴眾服其雅量安之鎮廣陵也築壘曰新城嘗於城北築埭及安既沒後人追思之名為伯埭安素重名士羊曇及卒後曇輟樂彌年行不由西州路為與安故所熟遊處也一日偶大醉石頭扶路唱樂而歸不覺至州門左右白曰此西州門雲悲感不已乃以馬策叩扉誦曹子建詩曰生存華屋處零落歸山邱慟哭而去

陶潛

潛字元亮高尚不羈性嗜酒為彭城令公田二頃悉令種秫穀曰吾常醉於酒足矣妻子固請種秔乃令以一頃五十畝種秫五十畝種秔常飲時潛若先醉便語客曰吾醉欲眠君可去郡遣督郵至縣吏白應東帶見潛嘆曰吾豈能為五斗米折腰向鄉里小兒竟解印去性不解琴而畜素琴一張絃徽不具每朋酒之會則撫而和之曰但識琴中趣何勞絃上聲 刺史王弘慕潛甚

嘗躬造焉潛稱疾不見弘乃密令人候其往廬山日遣潛故人齋酒先於半道要之潛既遇酒便引酌野亭欣然忘進弘遂出與相聞潛亦不避歡宴窮日潛履微弘顧左右為造履請度潛便伸脚令度之弘欲要之還州問所乘答云素有脚疾向乘籃輿乃令一門生二子共輿之至州而言笑賞適恬如也弘後欲見每於林澤中候之 潛著五柳先生傳其略云先生不知何許人不好姓氏宅邊有五柳樹因為號閒靜少言不慕榮利好讀書不求甚解每有會意欣然忘食性嗜酒而家貧不能恆得親舊知其如此或置酒招之造飲必盡期在必醉既醉而退曾不吝情環堵蕭然不蔽風日短褐穿結簞瓢屢空晏如也嘗著文章自娛頗示己志忘懷得失以此自終其自序如此時人謂之實錄至宋元嘉中卒世號靖節先生

習鑿齒

鑿齒以桓温非望為著漢晉春秋起漢光武終晉愍帝於三國時蜀以宗室為正魏氏雖受漢禪尚為篡逆至文帝平蜀乃為漢亡而晉始興焉凡五十四卷冀裁温

之逆萌後竟以脚疾廢

孟嘉

嘉字萬年為桓温參軍温甚重之九月九日温燕龍山賓寮畢集時有風至吹嘉帽墮嘉不覺也温敕左右勿言欲觀其舉止良久温令取還之嘉恬然好酣飲愈多不亂温問酒有何好而卿嗜之嘉曰公未得酒中趣耳又問聽伎絲不如竹竹不如肉何謂答曰漸近使之然

寶縉妻

蘇氏名蕙字若蘭善屬文苻堅時縉為秦州刺史被徙流沙蘇氏思之乃織錦為迴文旋圖詩以寄縉其詞婉轉循環讀之淒惋凡八百四十字迴文詩起此

載記

劉聰

聰晚年淫虐災異特甚聰于約死一指猶煖久之乃蘇言見元海於不周山經五日復從至崑崙山三日復返不周見諸王公死者咸在宮室甚壯號蒙珠離國元海謂約曰東北有遮須夷國無主久待汝父為之汝父後三年當來來後國中大亂死亡略盡但可承明輩十數

人在耳汝且還後年當來約遂辭歸道經一國曰猗尼渠餘國引約入宮與皮囊一曰為我遺漢皇帝復謂約曰劉郎後年來必見過當以小女相妻約歸置囊几上俄而蘇使左右取几上囊開之則白玉一方題文曰猗尼渠餘國天王敬問遮須夷國天王巖在攝提當相見即馳使呈聰聰曰若審爾吾不懼死也及期于約先死聰尋病約乃晝見聰惡之謂劉粲曰往以約言為妖比日累見之此兒定來迎我何圖人死乃有神靈如是吾不悲死也未幾死以囊玉殉元海劉淵字永明劉曜字

石勒

勒既貴召武鄉耆舊赴襄國既至勒親與齒坐歡飲縱語平生初勒鄰居有李陽者歲嘗爭漚麻地迭相歐擊至是謂父老曰李陽壯士也何不來漚麻是布衣之恨孤方崇信於天下甯仇匹夫乎乃逼名陽陽至勒與酣諷引陽臂笑曰孤往日厭卿老拳卿亦飽孤毒手因賜甲第拜參軍都尉

苻生

生止一目凡不足不具少無缺傷殘毀偏隻之字皆不

得道犯而死者不勝紀有言刑濫者曰汝誇我殺之有言陛下聖明者則又曰媚我亦殺之所幸妻妾稍悍旨即殺燕羣臣稍後至皆殺又遣宮人裸交於殿前不從即殺嘗出見兄妹同行亦逼令交而引羣臣共觀不從亦皆殺蓋前後所殺親戚忠良截頸刳胎拉脅鋸首者無慮萬數

慕容德

妖賊王始聚眾泰山自稱太平皇帝號其父為太上皇兄征東將軍弟征西將軍德命討擒之斬於東市臨刑或問其父及兄弟所在始答曰大土皇帝蒙塵在外征東征西俱懼亂兵惟朕一身獨無聊賴其妻怒之曰一生止坐此口以至於此奈何復爾始曰皇后自古豈有不破之家不亡之國耶行刑者以刀環築之始仰視曰崩即崩矣及於訖命終不改帝號

赫連勃勃

勃勃凶暴好殺置刀劍於側有所嫌忿手自殺之羣臣忤視者毀其目笑者決其脣諫者謂之誹謗先截其舌而後斬之營都邑蒸土築城雖入一寸即斬作者而并

築之造五兵器精銳尤甚每呈一器工匠必死射甲不入斬弓人如其入即斬鎗匠既定長安徵隱士韋祖思祖思至恭懼過禮輒怒曰吾以國士徵汝汝何以非類處吾且昔不拜姚興何獨拜我我今未死汝猶不以我為帝王我死後汝輩弄筆舌不知當置我何地竟殺之

魏書 參北

任城王順

靈太后宣淫特甚頗事雜飾遊幸無度順一日面折之曰禮婦人喪夫自稱未亡人首去珠珥衣不被綵陛下母儀天下年垂不惑過修容飾何以示後太后慙而還召入責曰何衆中見辱順曰陛下盛服炫容不畏天下人笑而獨羞臣一言乎后默然

古弼

魏主肅時上谷民有請苑囿為田業者弼為入奏會肅與給事中劉樹蕃弼侍坐良久不獲申乃徑起捧樹頭擊下牀手搏其耳拳毆其背曰朝廷不治實爾之罪肅

失容放其謝曰罪實在朕弼乃具狀以聞盡可之弼於是詣公車免冠自劾曰為人臣而違其志於上前請決無禮之罪肅釋不罪弼頭尖肅嘗名之曰筆頭時人呼為筆公

李順

順之使涼州也凡十有二返而蒙遜數以金寶結順時崔浩心惡順偵知之密言於肅肅未之信也未幾肅以三方無事議伐涼問順順止之越二年又議伐涼順言涼州乏水草遠征不便於是浩遂與順廷爭肅從浩議及至姑臧水草甚豐茂肅自是銜順謂浩曰卿昔所言今乃信矣浩曰臣所言順事虛實皆此類也身為不忠而反請臣讒之非陛下親見臣何以自明於是遂殺順

崔浩

浩奉詔撰國書書成三十卷時太史令皆諂事浩請立石銘勒以彰直筆浩從之於是北人無不忿恚相舉譖浩以為暴揚國惡浩被族誅初浩構害李順芽萌已成夜夢秉火熱順寢室火作而順死浩與室家羣立觀之俄見順弟息號哭出曰此輩皆吾賊也揮戈奮擊悉投

諸河浩寤而惡之以語館客馮景仁景仁曰此真不祥也公其圖之浩不能悛至是禍及

高允

浩被收允同領史職太子召允使言國書皆浩所為且入言允小心慎密請赦其死允上見曰浩所領事多總裁而已至於著作臣多於浩魏主怒欲誅之太子曰允小臣逃亂失次耳臣鄉問皆云崔浩所為魏主復問之允對曰臣罪當族誅不敢虛妄殿下哀臣欲苟其生耳魏主嘆曰直哉此人情所難而允能為之遂赦之

楊大眼

大眼楊難當孫也孝文將南伐令尙書李冲典選征官大眼往求焉弗許大眼曰尙書不見知聽某出一技便出長繩三丈許繫髻疾走繩直如矢馬馳不及一時見者莫不驚詫冲曰此千載逸才也遂用為軍主大眼輒還顧其徒偶口蛟龍得水此後不復與諸君伍矣妻潘氏亦善騎射每逢戰獵潘必戎裝與大眼並鑣齊驅還營則同坐幕下對諸寮言笑自若大眼每謂人曰此我潘將軍也

崔光

正始初元顯以四足四翼雞獻詔問光光引漢書劉向
蔡邕之說以對而終之曰今之雞狀雖與漢不同其理
未始不相類夫翼足眾多當是羣小扇助之象今或有
自賤而貴招權結黨干預政事者倘亦君房之匹歟惟
陛下睹影察形疏上恪大悅不數日而茹皓等並以罪
伏法光弟子馮弱冠便有志著述見晉魏前史皆成一
家無所措意惟劉淵石勒等跨僭一方各有圖書未能
統一乃撰為十六國春秋書共百卷

李琰之

琰之性機警善談議於經史百家無不究覽每云崔光
博而不精劉芳精而不博既精且博我於二子雅有微
長時論者許其博不許其精琰之嘗謂人曰我所以好
讀書者非求身後名但異見異聞本心所願蓋天性然
豈為聲名勞七尺也

靈徵

徐州蠶蛾喫人疋殘者一百一十餘死者二十二
秀容郡婦人一產四男四產凡十六男

釋老

貞君七年詔誅長安沙門又令四方一依長安行事詔
王公以下有私養沙門者皆送官曹不得匿限二月十
五日過期不出者沙門身死匿者門誅自今以後敢有
事胡神及造形像者亦門誅非常之人然後能行非常
之事非朕孰能去此自是諸佛圖形像一時皆擊破經
典盡焚燬沙門無少長悉坑

寇謙之

謙之奏造靜輪宮必極高令不聞雞鳴犬吠聲欲上與
天神接時工費鉅萬經年不成謙之之卒也尸體引
長弟子量之八尺三寸三日後忽復漸縮量之止六尺
許

諸國

高昌 以下魏書

國有草名羊刺其上生蜜而味甚佳又有白鹽其形如
玉國人取以為枕名曰鹽枕

獠

獠者南蠻之別種也其人能臥水底以刀刺魚並鼻飲

魏書

四十九

絲

死則豎棺而埋之。至於忿殺，即父子不相避。若殺父，則求得一狗以謝其母，母得狗，遂不復嫌恨。

龜茲

龜茲國俗多淫，置女市，收男子錢，入官土，多孔雀羣飛。山谷間人養而食之，乳如雞鶩。王家恆養千餘隻，其西北大山中有膏流出，成川入餽餉，甚臭，人服之則齒髮更生。

疏勒

疏勒國人手足皆六指，產子非六指者，即不育。

悅般

悅般北單于之部落也。語音與高車同，而其人喜清潔，剪髮齊眉，以醍醐塗之，自然光澤。日三澡漱，然後飲食。與蠕蠕結好，其王嘗將數千人入蠕蠕，欲與大檀相見。入其界百餘里，見其部人不浣衣，不綰髮，不洗手，婦人舌舐器物，王乃謂其從人曰：汝曹何誑我？此狗國，遂馳還。大檀遣使追之，不及。國南界有火山，山傍石皆煖，鎔流地，已復堅，疑人取為藥，即石疏黃也。

波斯

波斯產千年棗，又產

名馬，大驢，駝，日可行七百里。有人

鳥形如橐駝，能噉火。

神龜中，上書貢獻書云：大國天子，天之所生，願日出處，常為漢中天子。波斯國王居利多，千萬敬拜。

大月氏

太武時，其國人商販京師，自云能煮石為五色琉璃。於是採石山中，即於京師鑄之，既成，光澤瑩潤，乃美於西方。來者詔以為行殿，光色映徹，觀者莫不駭異。自此中國琉璃遂賤。

小月氏

國城之東十里，有佛塔，周三百五十步，高八十丈，自佛塔初建至魏之武定八年，八百四十二年矣。所謂百丈佛圖也。又乾陀國亦有佛塔，高七十丈，周三百丈，謂之雕離佛圖。其國有圖象七百十人，乘一象，各執兵仗，又縛刀於象鼻以戰。

烏菴

烏菴土多林果，引水灌田，豐稻麥。人多信佛，寺塔極宏麗。人犯罪，應死，則絀之靈山，不殺。西有檀特山，山上立

寺以驢數頭運食山下無人控御自知往來又有鉢和國七有大雪山望之若銀峯然

高句麗以下北史

國有三京其官凡十二等官之最尊者曰大對盧貴者之冠曰蘇骨多書有五經三史三國志晉陽秋每歲初則聚戲沮水上王列羽儀觀之事畢王以衣入水分左右二部以水石相濺擲喧呼競逐再三而止拜則曳一腳立多反拱行必插手土出三尺馬所謂果下馬也

勿吉

勿吉於東夷最強國南有從太山俗甚敬畏之不得於山上洩汗國無牛有馬有鹽池鹽亦生木皮上國人澡手面以溺初婚之夕男就女家執女乳而禮成其父母春夏死立埋之冢上作屋舍不沾濕若秋冬死則以其尸餌貂貉噉其肉則取之

烏洛侯

國人尚勇不姦竊慢野積而無寇盜之虞其國西北有魏先帝舊墟石室
北九十七步東西四十步高七十尺室有神靈太武帝
遣中書李敏告祭勒文石壁而

還

流求

流求俗無文字望月盈虧以紀時節踏草木榮枯以爲年歲凡宴會執酒者必待呼名而後飲上王酒者亦呼王名厥田良沃先以火燒而引水灌之墾田之錘石爲刃長尺餘闊數寸王所居壁下多聚髑髏以爲佳每春秋二時天清風靜東望依稀似有煙霧氣不知幾千里也

真臘

國中多奇樹婆羅椰娑樹無花葉似柿實似冬瓜菴羅樹花葉似索實似李毘野樹花似木瓜葉似杏實似楮婆田羅樹花葉實竝似棗而小異歌畢佗樹花似林檎葉似榆而厚大實似李其大如升

吐谷渾

吐谷渾有子六人長子吐延爲昂城羌姜聰所刺劍猶在體急呼子葉延以屬其大將絕拔渥然後抽劍死葉延才十歲縛草爲人號曰姜聰每旦輒射之射中則嗥叫涕泣其母曰賊讐已屠膾矣汝何自苦葉延泣曰誠

魏書

五十二

絲

知無益罔極之痛不能自釋耳母病三日不食葉延亦不食三日性嗜書自謂始祖封昌黎公吾為公孫案禮公孫之子得以王父字為氏遂以吐谷渾氏晉義熙初國主阿豺立自號沙州刺史沙州者部內有黃沙周迴數百里不生草木因號沙州阿豺嘗登西望山望墊江源顧左右問曰此水東流更有何名由何郡國入何方長史曾和曰此水經仇池過晉壽出宕渠始名墊江至巴郡入江度廣陵入海阿豺喟然曰水尚知歸吾乃無所歸乎遂遣使通宋獻方物阿豺有子二十人長子緯豹病革召諸弟子告之曰先公車騎舍其子虔而以大業屬我我敢忘先公之舉而以私緯乎其以慕璜繼車騎者樹洛干豺所從得位兄也慕璜亦豺弟又謂其子曰汝等各奉吾一隻箭俄命母弟慕利延曰汝試取一箭折之利延即折之又曰汝取十九箭折之延不能折豺曰汝曹知不單者易折眾則難摧侈力一心然後社稷可固言訖而死

于闐

國之城南五十里有贊摩寺即昔羅漢比耶盧旃為其


王造覆盆淨圖所有辟支佛跡處雙跡猶存西五百里有比摩寺云是老子化胡成佛之所城東二十里有大水曰樹支水一名計式水城西十五里有大水名達利水二水會合俱北流所謂黃河也國王髮不令人見俗言見王髮其年必儉

大秦

國從條支西渡海曲一萬里西海之西有河河西有南北山山西有赤水又西有白玉山白玉山西有王母山所謂玉為堂者也

蠕蠕

蠕蠕者其先自號柔然魏太武帝以其狀蠢蠢類蟲故改號蠕蠕數傳至社論遂大強盛盡有沙漠之地自號豆大可汗豆大猶言駕馭開張也魏道武問之謂其尙書崔宏曰蠕蠕昔來寇掠曾駕犍牛奔遁驅犍牛隨之犍牛伏不能前人有教以犍牛易之者蠕蠕曰其母尙不能行而況其子乎卒不易遂為敵所虜頑蠢若此今社論學中國之法置戰陳大啟邊害道家言聖人生而大盜起信哉



早稲田大学図書館

011688999288